



明詩紀事

陳氏叢書
聽詩齋藏



光緒癸未都門過夏旅情蕭索取明人詩閱之遂有紀事之
輯至己亥閱十七寒暑錄詩幾四千家分爲十籤凡論明詩
者莫不謂盛於宏正極於嘉隆衰於公安竟陵余謂莫盛明
初若犁眉海叟子高翠屏朝宗一山吳四傑粵五子閩十子
會稽二肅崇安二藍以及草閣南村子英子宜虛白子憲之
流以視宏正嘉隆時孰多孰少也且明初詩家各抒心得雋
旨名篇自在流出無前後七子相矜相軋之習溫柔敦厚詩
教固如是也長安旅食劄劄爲艱先以甲籤三十卷質之同
好至此集以紀事爲名無事可紀者亦廣爲甄錄冀以攬前
哲之芳馥爲後人之貽餉云爾己亥秋杪黔靈山樵陳田

序

明詩紀事總目

甲籤三十卷

乙籤二十二卷

丙籤十二卷

丁籤十七卷

戊籤二十二卷

己籤二十卷

庚籤三十卷

辛籤三十四卷

壬籤十卷刷出

癸籤十卷刷出

總目

甲籤三十卷

乙籤二十二卷

丙籤十二卷

丁籤十七卷

戊籤二十二卷

己籤二十卷

庚籤三十卷

辛籤三十四卷

壬籤十卷

癸籤十卷

明詩紀事總目

明詩紀事甲籤目

卷一上

太祖 一首

成祖 五首

仁宗 一首

宣宗 三首

英宗 二首

憲宗 一首

孝宗 一首

世宗 一首

神宗 一首

莊烈帝 一首

卷一下

祀社稷異壇同壝樂章 二首

裕享太廟樂章 四首

釋奠先師孔子樂章 六首

宴饗九奏樂章 七首

祀先蠶樂章 二首

大禘樂章 二首

甲籤目

雩祀雲門曲 一首

特享九廟樂章 五首

王國祀仁祖樂章 八首

祭告天地樂章 三首

朝會樂章 一首

朝會樂章 二首

卷二上

周定王櫛 四首

蜀獻王椿 一首

甯獻王權 二首

漢庶人高煦 一首

周獻王有燉 三首

秦康王志潔 一首

楚憲王季垵 二首

潘安王詮鈺 一首

秦簡王誠泳 四首

肅靖王真淤 四首

混靖王彥汰 一首

潘憲王膺移 三首

德平榮順王膺樞 一首

趙康王厚焜 二首



蜀成王讓栩 二首

武岡保康王顯槐 一首

藩宣王恬燦 二首

鎮康恭裕王恬焯 三首

安慶端懿王恬燿 二首

遼庶人憲燿 一首

益莊王厚燿 一首

藩定王理堯 一首

靖安王新環 一首

穀城王常濫 一首

卷二下

朱安泐 一首 周藩

朱睦㮮 二首

朱華圉 一首 楚藩

朱承綵 一首 齊藩

朱觀燿 一首

朱頤媿 十三首

朱憲燮 一首 遼藩

朱儼鑄 一首

朱拱榭 二首 宵藩

朱多燿 五首

甲籤目

朱多烜 八首

朱多燿 一首

朱多燿 一首

朱謀埒 四首

朱謀晉 三首

朱謀堯 二首

朱謀境 四首

朱謀暉 二首

朱謀擘 一首

朱統銓 一首

朱統欽 一首

朱統璽 一首

朱容重 一首

朱胤梢 三首 藩藩

朱胤杻 一首

朱胤枿 一首

朱恬焯 一首

朱理圻 六首

朱理塿 一首

朱理坵 一首

朱理塿 一首

朱效鏗 一首

朱碩爨 四首 唐藩

朱器封 二首

朱常法 一首 益藩

朱慈愈 一首 衡藩

卷三

劉基 四首

汪廣洋 四首

陶安 十首

朱升 一首

孫炎 一首

鮑恂 五首

宋訥 十一首

張以甯 十首

卷四

宋濂 三首

答祿與權 一首

朱芾 三首

史靖可 一首

張唯 一首

方徵 一首

甲籤目

三

牛諒 一首

朱夢炎 一首

卷五

王禕 二首

吳雲 一首

詹同 一首

吳沈 一首

樂韶鳳 一首

魏觀 七首

錢用壬 一首

危素 二十五首

卷六

胡翰 一首

趙燠 一首

徐尊生 二首

謝徽 二首

朱右 八首

陶凱 一首

曾魯 一首

朱廉 一首

李汶 一首

張孟兼 一首

王彝 一首

張宣 三首

貝瓊 八首

杜寅 一首

呂復 一首

李叔正 一首

卷七

高啟 七首 北郭十子

楊基 四首

張羽 十一首

卷八

徐賈 三首

余堯臣 一首

王行 四首

宋克 一首

呂敏 二首

陳則 一首 十子中尚有釋道衍見乙籤

甲籤目

唐肅 十六首 會稽二肅

謝肅 十四首

卷九

孫賈 十一首 南園五子

黃哲 五首

王佐 三首

李德 四首

趙介 一首

卷十

林鴻 十八首 閩十子

王恭 二十首

王偁 二十二首

高廷禮 十首

陳亮 二首

鄭定 二首

王褒 二首

唐泰 二首

周玄 三首

黃玄 二首

卷十一

劉崧 二十三首

許伯旅 九首

曹睿 二首

邱民 一首

韓守益 一首

吳琳 一首

趙俶 一首

卷十二

吳伯宗 一首

劉三吾 二首

汪叡 一首

朱善 一首

龔敷 二首

杜敷 三首

吳源 一首

張兌 一首

王嘉會 一首

全思誠 一首

甲籤目

五

周湏 一首

滕毅 一首

楊訓文 一首

李質 二首

韓宜可 一首

張籌 一首

黃肅 三首

劉紹 十八首

卷十三

袁凱 二十首

蘇伯衡 七首

童冀 二首

申屠衡 二首

張昌 一首

鮑頰 一首

王立中 四首

林公慶 一首

張率 一首

包尼授 一首

涂穎 三首

朱逢吉 一首

金綱 一首

涂幾 一首

鄒矩 一首

吳彤 二首

卷十四

徐一夔 二首

劉承直 二首

周子諒 一首

林弼 八首

張翥 二首

陳世昌 一首

孫作 二首

瞿莊 二首

趙撝謙 一首

張美和 一首

錢宰 三首

揭軌 六首

卷十五

朱同 十三首

鄭潛 五首

甲籤目

秦約 三首

桂彥良 二首

范準 二首

朱樸 一首

方時舉 三首

陳觀 一首

劉晟 一首

賀守約 二首

龍玉泉 一首

文魯麟 一首

杜隰 一首

任原 一首

王善慶 一首

吳舜舉 一首

黃思永 一首

蔡景 一首

柯欽 一首

伍衡 一首

王子魯 一首

黃孟良 一首

余師孔 二首

徐松 一首

彭友信 一首

王璵 二一首

徐裕 一首

徐禮 一首

陳山 一首

卷十六

藍仁 十六首

藍智 三十八首

王沂 四首

王佑 二一首

錢子正 一首

錢子義 一首

陳約 一首

陳緝 一首

林公與 一首

林公存 一首

林公洽 一首

李毓 五首

董佐才 一首

王鈞 一首

甲籤目

七

張輿 一首

張輅 一首

鄭杕 一首

鄭枋 一首

繆仲琳 一首

黎慎 一首

卷十七

鎬炳 二十二首

甘瑾 十三首

朱弘祖 一首

李鎬 一首

趙迪 一首

劉秩 三首

陳元達 一首

何明遠 一首

張存 一首

諸葛伯衡 一首

魏資政 一首

李純道 一首

李徵 一首

錢復亨 二一首

李思齊 一首

卷十八

王蒙 五首

王冕 十四首

莘野 一首

芮麟 一首

陳汝言 五首

張紳 十一首

吳植 一首

袁養福 一首

卷十九

烏斯道 五首

浦源 五首

史謹 二首

虞堪 二首

顧祿 四首

馬琬 一首

薛穆 二首

楊彝 三首

甲籤目

八

邵誼 一首

王履 一首

陳璧 一首

盧熊 三首

陶琛 一首

朱應辰 一首

宋璉 三首

張辰 一首

馬治 五首

董紀 四首

卷二十

張適 二十二首

潘仁 四首

朱繼 三首

楊子善 三首

葉見泰 二首

謝恭 一首

邾經 五首

遂昶 八首

郭欖 一首

戴奎 一首

鄭元益 一首

卷二十一

沐英 一首

郭奎 十五首

熊鼎 一首

夏煜 一首

吳去疾 一首

陶誼 一首

谷宏 一首

陳潛夫 一首

沈應 一首

蕭翀 一首

白旂 一首

周架 一首

練高 二首

史遷 三首

吳文泰 一首

程煜 一首

吳斌 四首

雷燧 一首

甲籤目

九

葉子奇 四首

卷二十二

胡奎 四十一首

王翰 八首

管時敏 二十一首

林温 一首

貝翱 一首

張璧 一首

桂衡 一首

黃架 一首

羅昭 一首

曹懋 一首

陸闔 三首

陳南賓 一首

卷二十三

陶宗儀 十七首

黎貞 三首

蘭茂 二首

蘭廷瑞 二首

唐貞一首

陳謨六首

梁蘭五首

唐桂芳七首

姚瑛一首

易恆二首

韓奕四首

王賓一首

滑壽二首

陶振一首

林枝一首

陸中四首

卷二十四

李曇五首

胡雲端一首

蕭執三首

周昉二首

樓珽一首

鄒奕一首

丁晉六首

陸禧一首

甲籤目

高輝祖一首

陳維楨一首

范再一首

金居敬一首

胡安一首

韓廉一首

江敬弘一首

金夢巖一首

鄭昂一首

游莊一首

陳安一首

王中一首

顧協二首

謝林一首

卷二十五

袁華二十四首

徐達左三首

周南四首

林大同一首

殷奎五首

呂旭二首

朱昇一首

周居一首

陳燧一首

蕭岐一首

李唐一首

何彥修一首

陳謨一首

夏暉一首

張庸一首

俞韶美一首

王嘏一首

周所立一首

林伯環一首

俞貞木一首

卷二十六

張著二十一首

陳伯康八首

劉駟一首

鄭沂一首

李勝原一首

王時保一首

甲籤目

士

鄒說一首

富禮二首

卷二十七

劉瓊七首

郭鈺二首

王澤六首

王旬一首

戈鎬二首

俞貞木六首

薛倫一首

朱熙一首

李伯震一首

徐濟三首

吳昊一首

許敬軒一首

程袞一首

程彌壽一首

王興一首

陳雷一首

鄭洪一首

林旅一首

章譜卷二十八

李延興 二十七首

凌雲翰 九首

鄭真 三首

許繼 十首

郭濬 一首

劉剛 一首

錢岳 一首

劉渙 六首

袁宗彥 二首

李伯葵 二首

李顯卷二十九

黃宗彥 一首

王諫 一首

王敬中 一首

林谷顯 一首

馬德華 一首

黃雋 一首

張庭蘭 一首

歐陽貞 一首

任亨泰 一首

甲籤目

三

陳時舉 一首

俞永 一首

陳郊 一首

卷三十

胡子祺 一首

宋杞 一首

季應祈 一首

范宗暉 一首

林敏 四首

李伯葵 二首

劉仔肩 五首

許中麗 一首

顧田 一首

林原縉 一首

邱海 一首

陳川 一首

程用晦 一首

劉琮玉 一首

章喆 一首

徐暉 二首

葛貞 一首

舒壽童 一首

蕭規 一首

邢沂 一首

林右 二首

胡温 一首

危德華 一首

黃戮 二首

周谷賓 一首

邵光祖 一首

游堅 一首

甲籤目

三



佩谷寶 一首

武壽華 一首

林右 二首

蕭規 一首

葛貞 一首

舒壽童 一首

黃戮 二首

胡温 一首

邢沂 一首

游堅 一首

明詩紀事卷一

貴陽陳田輯



甲籤

太祖一首

太祖姓朱氏諱元璋字國瑞濠州鍾離人元至正十一年辛卯起兵丁未稱吳元年戊申建元洪武在位

三十一年崩葬孝陵有文集五十卷詩五卷

黃瑜雙槐歲鈔洪武八年秋八月上覽川流不息
陋尹程秋水賦言不契道乃親更爲之賦成召禁林
羣臣觀之且曰卿等亦各撰賦以進宋濂率同列研
精覃思鋪敘成章詣東黃閣次第投獻上皆親覽焉
復眞品評於其間已而賜坐勅大官進天廚奇珍內
臣行觴觴已上顧濂曰卿何不盡飲濂出跪奏曰臣
荷陛下聖慈賜以醕酌敢不如認第臣年衰邁恐不
勝柘杓志不攝氣或愆於禮度無以上承寵光爾上

卷一

一

曰卿姑試之濂卽席而飲將徹上復顧曰卿更宜
舉觴至口端又復瑟縮者三上笑曰男子何不慷慨
爲對曰天威咫尺間不敢重有所瀆勉強一啜上盡
上大悅濂顏面變赭頓覺精神還漂若行浮雲中捧
復笑曰卿宜自述一詩朕亦爲卿賦醉歌二奉御捧
黃綾案進上揮翰如飛須臾成楚辭一章曰西風颯
颯兮金張特會儒臣兮舉觴目蒼柳兮哀嫺閨澄江
颯兮水洋洋爲斯悅而再酌弄清波兮永光玉海盈步
馨透泛瓊竿兮銀漿宋生微吟於彼兮醉忽周旋分
騶蹕瞻美秋景兮共樂但有益於彼兮傷濂旣醉
下筆敬傾字不成行列甫綴五韻上遽召濂至命編
脩官朱右重書以遺濂遂諭濂曰卿藏之以示子孫
非惟見朕寵愛卿亦可見上一時君臣應合共樂太
士歌也濂五拜叩首謝上更勅侍臣應制賦醉學
通聞而續賦者五人秦府長史林溫太子正字桂彥
良翰林編脩王珣張唯典籍孫黃彭與孫皆吾廣人

承旨詹同私戒之上知之謂曰儒者事君正當誠意
黃佐翰林記太祖嘗出御製詩文以示詞臣太子正
字桂彥良卽於上前大聲誦之琅然左右驚愕學士

毋事矯採也

廖道南殿閣詞林記丙午年六月上禱雨鍾山獲應
賦七言喜雨詩命待制黃哲等廣和已而諸將告捷
多令翰林諸臣應制賦詩上親加品評洪武十年十
二月上制十題命典籍吳伯宗賦之援筆立就詩語
峻潔上嘉其才敏賜緞金錦衣嘗幸清流閣賦詩
扈從儒臣和之起居注劉季道有治定不教生縱逸
功成猶遺歷闕之句上嘆賞曰可謂安不忘危賜
以白金文綺又起居注蔣子杰應命卽物賦咏立成
上大悅特寵賜和章一日廉羣儒撰參鶴文吳府伴
讀王驥操觚立就學士宋濂爲之進呈上稱善及韻
將南至大祀於圉邱上復命羣臣賦七言律十二韻
冠以三百言序驥與黃利先成臨讀御榻前上聽畢
加獎勵命進學禁林云
解縉春兩軒集洪武二十有八年北平永清衛之龍
門禾有異莖同穗之祥今上皇帝遣使來進羣臣上
表賀太祖高皇帝親御翰墨爲詩一章以賜今上皇
帝其詩首言創業之艱天命之不易除暴禁亂之師
撫民致治之略中言天錫豐登之屢史書垂示之嚴
明堂禋薦之重末示謙冲戒謹之意爲善不足之誠
大矜下民之惠與民同樂之盛心滋於言表蓋不自
嘉禾之祥爲可矜而以爲可懼而思以自勉聖不自

卷一

二

聖兢兢業業足以垂訓於千萬年今上皇帝服膺聖
訓念手澤之存諷誦追維不能自已乃永樂三年用
摹勒於石拓本裝治成軸分賜諸王及近臣於是臣
縉亦得與賜焉

楊慎藝林伐山吾蜀解元王孝忠鄉試賀平西蜀表
中有云川四巴三收彈丸黑子之地傳一廖二成大
統函夏之天傳一廖二乃太祖御製平西蜀頌中謂
傅友德之功第一廖永忠之功第二也人咸服其博

洽

董穀碧里雜存宋太史廉乞歸時御製詩二首錢之
云白下開尊話別離知君此後迹應稀濂續云臣身
願作衡陽雁一度秋風一度歸上悅賜白金綰幣文
綺曰與汝作百歲衣也自是歲一朝焉
田按堯山堂外紀洪武十年宋學士景廉乞骸骨歸
華亭朱孟辨紀其事作詩隨陽城上春秋來一度歸
卿此地應稀臣身願作隨陽雁一度歸來一度歸
據此則又爲孟辨詩而非太祖與濂賁續也詩亦小
有異同

周亮工閩小紀林廷綱洪武初承太祖親擢吏科給
事中寵遇日隆嘗侍遊江間燕太祖首承旨足成三
江間大殿與雲齊梁上新添燕于泥公承旨足成三
聯曰雉尾曠開紅日近龍衣春溼彩雲低旌旗影裏

貌歛息斧鉞門前騏驎嘶管筆詩成同拜舞太平天子賜新題後賜名恒忠

下集慶始厭馬上長篇短歌操筆輒韻有魏武樂府風制詞質古一洗駢偶之習

王世貞弁山堂別集草木子謂上有佳句云鳥啼紅樹裏人在翠微中天下誦之碧雲頭雖然未得團圓昨

夜嚴陵失釣何人移上碧雲頭雖然未得團圓昨也清光照九州野史附之謂為太祖及懿文不享

國之證草木子乃元遺民國初所著書謂上者順帝也皇太子者愛猷識理達臘也蓋以其不獲有天下

而在東宮頗擅權識理達臘也蓋以其不獲有天下朱孟震續玉笥詩談近有作道聽錄者指黃鵠詩載

元梁王曉行之作以為高宗宋人譏高宗養鶴詩載葉氏草木子而以武宗北狩書非異聞時非久遠

尚謬妄若此况遠且僻哉田按明史藝文志太祖文集五十卷詩五卷四庫

著錄二十卷自漢祖以馬上得天下大風一歌妙合音節明祖起自布衣與漢合符御製篇章炳為巨集

野史所載最為繁雜茲擇其可信者著於編以瞻一代之風尚焉

題老子廢廟

廟古鴉昏集遙瞻起敬心路幽人迹杳碑偃草叢深度關先紫氣去後永淪沈惟有庭前樹多年茂作林

成祖 五首

成祖諱棣太祖四子初封燕王靖難兵入革除建文

年號建元永樂在位二十二年崩葬長陵有集

翰林記永樂四年二月上視學服皮弁御宸翰賦長詩賜太子親王祭酒胡儼司業張智坐講文武三品

以上及翰林儒臣皆賜坐以聽講畢賜茶何喬遠名山藏文皇御製條達宏遠如萬騎千乘馳

駟植立於平沙大漠之中人爲諒江等府同知賜勅慰勉仍賦詩一章各送之

沈德符野獲編永樂十一年五月午節車駕東苑觀擊毬射柳皇太孫擊射連發皆中上大喜射畢進皇

太孫嘉勞之因曰今日華夷畢集朕有一言爾當思

對之曰萬方玉帛風雲會皇太孫卽叩頭對曰一統山河日月明上喜賜名馬錦綺羅紗及番國布因命儒臣賦詩賜羣臣宴

闕里孔子廟詩

巍巍元聖古今之師垂世立言生民是資天將木鐸以教是界謂欲無言示之者至惟天爲高惟道與參惟地爲厚惟德與合生民以來實曰未有出類拔萃難乎先後示則不遠日用攸趨敦序有彛遵於聖模仰惟皇考聖道實崇禮樂治平身底厥功曰子祇述詎敢或懈聖緒丕承儀憲永賴巖巖泰山魯邦所瞻新廟奕奕飭祀有嚴鼓鐘鏜鏜璆磬戛擊八音相宣聖情怡懌作我士類世有才賢佐我大明於斯萬年

田按明代御製闕里孔子廟碑文及詩凡三見成祖此詩其開先也憲宗孝宗詩具後

卷一

四

滿刺加鎮國山詩

西山鉅海中國通輸天灌地億載同沐日浴月光景融兩崖露■草木濃金花寶鈿生青紅有國於茲民俗雍王好善義思朝宗願比內郡依華風出入導從張蓋重儀文禔襲禮虔恭大書貞石表爾忠爾國西山永鎮封山君海伯翕扈從皇考陟降在彼穹後天監視久益隆爾衆子孫萬福崇

日本壽安鎮國山詩

日本有國鉅海東舟航密邇華夏通衣冠禮樂昭華風服御綺繡考鼓鐘食有鼎俎居有宮語言文字皆順從善俗殊異羯與戎萬年景運當時雍皇考在天靈感通監觀海宇罔不恭爾源道義能弛功遠島微寇敢鞫凶鼠竊蠅嘍潛其蹤爾

奉朕命搜捕窮如雷如電飛蒙衝絕港餘孽以火攻焦流水
上橫復縱什什伍伍禽奸凶荷校屈肘衛以從獻俘來庭口
喁喁彤庭左右誇精忠顧咨太史酬勳庸有國鎮山宜錫封
惟爾善與山增崇寵以銘詩貞石礪萬世照耀扶桑紅

淳泥長甯鎮國山詩

炎海之墟淳泥所處煦仁漸義有順無迂悽悽賢王惟化之
慕道以象譯遙來奔赴同其婦子兄弟陪臣稽顙闕下有言
以陳謂君猶天遣其禮樂一視同仁匪厚偏薄顧茲鮮德弗
稱所云浪舶風檣實勞懇勤稽古遠臣順來怒赴以躬或難
矧曰家室王心直誠金石其堅西南番長疇與王賢轟轟高
山以鎮王國鑿文於石懋昭王德王德克昭王國攸甯於萬
斯年仰我大明

卷一

五

柯枝鎮國山詩

截彼高山作鎮海邦吐烟出雲爲下國洪龐時其雨暘肅其
煩熇作彼豐穰祛彼妖氛庇於斯民靡灾靡沴室家胥慶優
游卒歲山之嶄矣海之深矣勒此銘詩相爲終始

野獲編永樂三年滿刺加國遣使入京求封其山爲
一國之鎮上嘉之命封其國之西山爲鎮國山上御
製碑文賜以銘詩四年日本國之源道義捕海寇有
功賜白金千兩織金彩色幣二百綺繡衣六十件銀
茶壺三銀盆四及綺繡紗帳衾褥枕席諸物海船二
隻封其國山曰壽安鎮國之山上親製碑文賜以銘
詩六年嗣淳泥國王退旺還國賜金鑲玉帶一金帶
一及王母王叔有差先退旺父言蒙恩賜爵國之境土
皆屬職方而國有後山封爲一國鎮至是其子又請
上命封長甯鎮國之山衛製碑文及銘詩先是淳泥
國王麻那惹加耶乃奎其妃弟妹男女陪臣來朝上

遣中官宴勞所過諸郡設宴比至上親享之宴其妃
於三公府未幾卒于會同館上祭以禮葬安德門外
賜諡曰恭順命其子遐旺襲封因有是請又遣官行
人送歸其國十四年封柯枝國王可赤里爲國王并
封其國中之山爲鎮國山親製碑文耀以詩蓋封
外國山者凡四見皆文所製諸公所能辦因思唐文皇兵
旨雋蔚斷非視草解揚諸公所能辦因思唐文皇兵
力僅伸於漠北而屈於遼水一海夷如文皇帝威德
直被東南古所未賓之國屢曩宏文昭回雲漢其盛
恐萬禩所未有也

仁宗

一首

仁宗諱高熾成祖長子建元洪熙在位一年崩葬獻

陵有御製文集二十卷詩集二卷

楊士奇三朝聖諭錄永樂七年贊善王汝玉每日於
文華後殿道說賦詩之法一日殿下顧臣士奇曰古
人爲詩者其高下優劣如何對曰詩所以言志明良
喜起之歌南薰之詩是唐虞之君之志最爲尙矣後
來如漢高太風歌唐太宗雪恥酬百王秋風辭志氣
之作則所尙者霸力皆非王道漢武帝秋風辭志氣

卷一

六

己哀如隋煬帝陳後主所爲則萬世之鑑戒也如殿
下於明道玩經之餘欲娛意於文事則兩漢詔令亦
可觀非獨文詞高簡近古其間亦有可裨益治道如
詩人無益之詩不足爲對曰帝王之學所重者不在
集甚多何爲詩不足爲對曰帝王之學所重者不在
作詩太祖皇帝聖學之大者在尙書且諸書作詩特
其餘事於今殿下之學當致力於重且大者其餘事
可姑緩殿下又曰世之儒者亦作詩否對曰儒者鮮
不作詩然儒之品有高下高者道德之儒若記誦詞
章前輩君子謂之俗儒下文尤當致辨於此
楊士奇東里文集仁廟好文重士樂善有誠時節宴
羣臣問賜詩獎諭悉識以東宮圖書
尹直嘗齋瑣綴錄仁廟在東宮時嘗觀二內侍象戲
因命曾子榮先生應制詩云興盡計窮征戰罷松陰
花影滿殘杯仁廟和云等閒識得軍情事一著功成
見太平君仁廟量見矣
雙槐歲鈔仁廟潛心經學禮重宮寮文做歐陽詩尙
選體
名山藏仁宗有典有則模範雅訓不啻學士

冬至賜贊善徐好古

清朝盛文治輔德資儒者念彼筋力倦趨朝諒非宜賦詩有佳致納誨多良規起予得深趣歡懷浩無涯新陽屆初復況此承平時酬勞有樽酒庶以勞期頤

朱彝尊靜志居詩話歛陵天稟純明雅志經術東朝監國命徐贊善善述纂尚書直旨進講詩成亦命善述改竄令旨呼其字而不名
阮元石渠隨筆明仁宗楷書今晨覽卿為余所改之詩甚是丰采清雋真有益於日新但今卿年邁恐卿子為勞似卿材百無一二於日新顏者比年有之卿無憚勞而成子業惟望藥石之言日甚一日毋務犯鱗觸諱之慮子今欲學作表卿可一如詩題立例具詩題與表題間日封進以口琢磨皇太子致書贊善好古先生

宣宗 三首

宣宗諱瞻基仁宗長子建元宣德在位十年崩葬景陵有御製文集四十四卷詩集六卷樂府一卷

卷一

七

殿閣詞林記宣宗喜為詩初即位起學士李時勉而任用之一日幸文淵閣賜諸學士飲呼時勉謂曰卿非朕安得飲此酒時勉頓首謝他日賜遊東苑上賜時勉酒酌以御歐時勉頓首辭曰臣可與陛下同飲不敢同器上悅命易以銀爵既醉上出御製詩俾廣藝苑扈言宣宗天縱神敏長歌短章下筆即就每南宮試輒自草程式文曰我不當會元及第耶
弇山堂別集宣廟命陽武侯薛祿等率師築赤城等處賜之詩有出車命南奇具言之且曰上以古之賢仲山甫以問少傅楊士奇具言之且曰上以古之賢將待爾也祿乃拊心感泣
朱謀至書史會要宣宗時三楊蹇夏諸賢輔政泰交之際常有御製詩歌必親灑宸翰賜之行雲流水飛動筆端真天藻也
朱謀至畫史會要宣宗萬幾清暇留神詞翰山水人物花鳥草蟲隨意所在皆極精妙
汪珂玉珊瑚網章皇帝聖能天縱一出自然若化工之於萬物因物賦形不待矯揉各遂生成敬觀九鷺蘆雁二圖柳絲鳥尾細過於髮一種生動之致又居然寫意家神逸品

招隱詩

天之生賢道蘊厥身幼學壯行致君澤民伊傅孔孟皆古君子孜孜行道未嘗忘世秦漢之衰以退為賢絕類離羣豈非遠天嗟哉若人於世奚補區區百年草木同腐子嗣祖宗統臨萬邦求賢圖治宵旰遑遑羣才偕來布列在位道行身尊百世之貴緬彼山林豈無遐遺往而不來悠悠我思激石枕流遠引高蹈雖逸於身而悖於道卷阿之思梧桐鳳凰爾其幡然子將爾揚

減租詩

官租頗繁重在昔蓋有因而此服田者本皆貧下民耕作既勤勞輸納亦苦辛遂令衣食微曷以贍其身殷念惻子懷故

迹安得循下詔減十三行之四方均先王視萬姓有若父子

親茲惟重邦本豈曰矜吾仁

實錄

宣德七年三月庚申勅諭行在部院近年百姓

始但

係官田塘地稅糧不分古額近額悉依五年二

月勅諭

恩例減免中外該管官不許故違辛酉上退

朝綱

左順門謂尚書胡濙曰朕昨以官田賦重百姓

苦之詔

減十之三以蘇民力嘗聞文移戒言有朝廷每

勿以詔

蠲租稅而戶部皆不準甚者文移戒言有朝廷每

綱萬姓

澤不使下流其咎若何今減租之令務在必行書曰

數天數

等皆士人豈不知此朕昨有詩述此意卿當體念勿

涼 賦 湘浦烟霞交翠剡溪花雨生香掃卻人間炎暑招回天上清

涼 賦 湘浦烟霞交翠剡溪花雨生香掃卻人間炎暑招回天上清

梅純損齋備忘錄宣廟詩多六言如過史館云蕩蕩
堯光四表巍巍舜德重華祖考萬年垂統乾坤六合
爲家上林春色云山際雲開曉色林間鳥往春音物
意皆含春意天心允合吾心二詩今人家往往有石
刻摹本蓋石不在禁中故人多得之臣又嘗於故家
獲觀咏撒扇一首與前二詩皆一視同仁氣象而此
一章尤有克治之意大抵皆以天地萬物爲一體真
帝王之言也
毛奇齡西河詩話舊宮中用撒扇合竹骨二十餘綑
以藍紗撒大帛箔金而以木柄之可收可放自司禮
掌印至管事牌子皆得於夏月取用明宣廟御製湘
浦烟霞交翠六字詩卽賦此物

英宗二首

英宗諱祁鎮宣宗長子建元正統十四年北狩弟郕
王祁鈺奉皇太后令卽皇帝位改元景泰尊帝爲太
上皇帝景泰元年帝還自北居南宮七年奪門復辟
改元天順八年崩葬裕陵有御製詩文一卷

卷一

九

雙槐歲鈔北京自元建大都已有所謂八景不知何
人品題至我朝太宗皇帝因潛淵定天邑當時翰
林諸儒臣胡廣輩作八景詩傳播海內天順辛巳端
午節英宗睿皇帝賜文武侍臣以扇有御製七言古
詩十首凡一千一百二十言卽前所賦入景曰瓊島春
雲太液晴波薊門煙樹西山霽雪居庸翠玉泉垂
虹蘆溝曉月金臺夕照而益以二景則東郊時雨南
園秋風也明年壬午亦以端午賜扇扇面御製清暑
解愠二歌大概言爲臣者仰輔上德俯恤民窮助隆
代之績云爾蓋國朝賜常朝官扇竹骨銅釘鉸書
經傳格言以示訓飭越一二日乃召大僚於內殿賜
象骨銀釘鉸扇然但畫以物象其有御製詩惟此二
年爲然
田按裕陵御製詩文一册不見傳本子揆廖道南楚
紀有賜襄憲王瞻塔御製襄陽四景歌云適情細
糕頭騎洽歡滿泛宜城酒又云無窮風景觀山亭
前數點峰巒青新葉滿林驚綠暗驕陽入戶延朱
又云賢王此日多清賞臺榭虛明隔塵鞅瑤階瑩
水晶簾冰簟淨涵雲毋帳又云滿貯寒瓜薦蒼玉
分雪藕飛銀絲又云飛越草際流疏寒華月騰輝
耿耿廣庭清露滴高槐越苾生涼湖簟冷又云鹿
山下行吟客冒冷尋香日幾回詞旨韶令可錄入摘

句圖也

峴山歌賜襄王

於皇祖宗混八方兮裂土而封命同姓兮維予叔父王於襄
兮襄多山川甲諸邦兮有巍者峴禹所荒兮垂千萬年歸我
祖宗不可以爽兮惟澤日茂惟德日章雉有光兮保茲峴山
樂無央兮子孫孫子永無疆兮

漢江歌賜襄王

漢江滔滔出嶧冢兮偉茲巨浸壯南邦兮萬有千里流無窮
兮透透地地志必東兮於戲漢水殆與天地同始終兮

廖道南楚紀天順四年英宗皇帝御製峴山漢水賦
賜襄憲王以其有奉迎六飛恢復九宸諸疏故嘉賞
焉粵稽諸古大舜剛雲之歌文王鳴鳳之詩太利氣
氤溢于帝藻逮乎漢祖大風之詞霸心猶在唐宗興

卷一

慶之詠王述猶微惟吾皇祖親撰鍾山之賦及閩江
詩英廟載製峴山之賦及漢水諸詠直可追軼虞休
上姬姬美豈漢唐諸君所可企及哉

憲宗一首

憲宗諱見濟初名見深英宗長子建元成化在位二

十三年崩葬茂陵有詩集四卷

名山藏憲宗時御翰墨作為詩賦以賜大臣諸司章
奏手自披閱字畫差錯亦蒙清問臣下莫敢或欺
珊瑚網憲廟御筆皆神像及金瓶金盤牡丹蘭菊梅
竹之類今觀山水小景瀟灑出塵宛然勝國氣韻蓋
聖能天縱自各極其妙也

闕里孔子廟詩

天生孔子繼之為聖生知安行仁義中正師道興起從游三
千往聖是繼道統流傳六經既明以詔後世三綱五常昭然

不替道德高厚教化無窮人極斯立天地同功生民以來卓
乎獨盛允集大成實天所命有天下者是尊是崇曰性聖道
曷敢勿宗顧予眇躬承此大業惟聖之謨於心乃愜用之爲
治以康兆民聖澤流被萬世聿新報典之隆尤在闕里廟宇
巍巍于茲重美文諸貞石以光於前木鐸遺響於千萬年

田按成化四年六月闕里重修孔廟成茂陵御製碑
文並系以詩八月御製碑亭成行聖公孔弘緒具表
謝十二年祭酒周洪謨請加孔廟籩豆詔從之增爲
十二遣學士商輅告文廟王獻告於闕里余檢吳寬
鮑菴家藏集有曲阜重修夫子廟碑詩云於赫皇明
建國十紀文教誕敷及遠自邇明聖得師循道顧誕
尊之崇之有樂有禮紛其羽籥錯其籩簋謂此器數
罔愜仰企乃詔有司乃鳩役使乃伐堅石乃創文梓
長廡重門崇簷厚趾剝落以完漫漶以珽革故爲新
衆目改視是成化中兩修闕里孔廟鮑菴詩中述及
羽籥簋籩當在十二年增加籩豆後矣

卷一

十一

孝宗一首

孝宗諱祐檉憲宗長子建元弘治在位十八年崩葬
泰陵有詩集五卷

翰林記弘治初上注意講學遣太監戴義傳示聖意
命學士李東陽等各撰詩十首用寓啟沃東陽擬十
題各撰七言律詩一章曰敬天曰法祖曰勤政曰務
學曰任賢曰納諫曰節用曰愛民曰恤刑曰講武上
嘉納焉
靜志居詩話泰陵聖學緝熙德修時敏非惟政事之
勤實啟人文之化置永樂大典於便殿暇卽省覽又
命儒臣集歷代御製詩以爲規範其賜李東陽靜中
吟一首論者謂同二帝典護三王訓詰焉
畫史會要孝宗萬幾之暇游筆自娛點刷精妍妙得
形似

闕里孔子廟詩

聖人之生天豈偶然命之大君俾贊化權二帝三王君焉克

聖繼天立極道形於政大化既洽至治斯成巍巍蕩蕩渾乎
難名周政不綱道隨時墜孔子聖人而不得位乃稽羣聖乃
定六經萬世之師於焉足徵自漢而下數千餘歲褒典代加
有隆勿替於皇吾祖居正體元六經是師卓爾化原列聖相
承先後一揆逮及朕躬思弘前軌廟貌載崇祀事孔禋經言
典訓彌謹彌敦俗化洽成日升川至斯道之光允垂萬世

李東陽懷麓堂集弘治甲子春正月重建闕里孔子
廟成上親製碑文祝辭遣臣東陽申祭告臣東陽奉
命以閏四月丁卯陞辭癸未至於廟衍聖公三日詔
率族人迓於郊遠近大小來會者數百計前三日時
雨降及期雨霽禮成之後星月朗耀神人權賜歌工
舞侑奉器執事之臣下逮胥吏僕從皆忻然如雲
之從風水之赴壑有不令而集者政紀成事用告來
世

世宗一首

卷一

十一

世宗諱厚熹興獻王子憲宗之孫武宗無子入繼大
統建元嘉靖在位四十五年崩葬永陵有詔學詩一
卷宸翰錄一卷詠和錄一卷咏春同德錄白鵲贊和

集一卷

名山藏世宗中興藩服淹貫經史傑作奇思遠繼高

帝

殿閣詞林記嘉靖八年正月元夕臣道南應制撰燈
詞十五首以進上親製一章云黃道開達殿青陽溢
泰穹賞春纔令節養志自慈宮珠佩軒車從霞觴祝
頌同千秋還萬歲物阜與民豐九年七月敬一亭成
上復命儒臣落成錫宴詩十年演馬環碧殿御製
歌詞賜同遊諸臣和之十三年臣自徽州賜環上親
灑鍾粹宮詞命和之賜金綺有差
弁山堂別集肅廟以禮部尚書席書病目賜詩問之
期以弼亮以刑部尚書趙鑑致仕賜詩送之嘉其止
足皆龍箋御墨天書煥爛真傳家之至寶耀世之盛
事也

野獲編世宗初政每於萬幾之暇喜爲詩時命大學

士費宏揚一清更定或御製詩成令二輔臣屬和以
進一時傳為盛事而張璠等用事自愧而不能詩遂露
章攻宏謂其以小技希恩上雖不詰貴而所出聖製
漸希矣上嘗命一清擬賦上元詩進呈有愛看冰輪
清似鏡上以為似中秋改云愛看金蓮明似月一清
疏謝以為曲盡情景不問而知為元宵矣聖資超悟
殊非臣下所及信乎非一清所及也惜為璠輩所撓
使天縱多能不違窮神知化耳

欽天頌

予質也昧上荷簡在答貺無由心銘忻戴庚寅仲冬典禮肅
雖惟日長至戒誓肅恭大報皇天庸秉微虔獻以馨齊薦以
蒼瑄禮嚴禋燎樂備黃鍾頓首誠惶仰瞻帝容帝錫洪仁俯
鑒微忱露垂上瑞福敷下民神功惟祖超今邁古遺我小孫
受天之祐立德惟考潛升穹昊延予小子荷天之保寶露降
祥湛湛灑灑綴若珠玉津潤甘香注之瑤竚稽首而迓薦于

卷一

祖考滋我禾稼承以金觥色溢精瓊呈于慈闈增算延生浩
浩蒼穹錫我年豐朕拜稽首祇謁愚衷蕩蕩吳慈元樞不息
幹運四時惟帝之力曰雨曰暘宜賴穹蒼嘉貺眇昧家國平
康感恩曷已敢爾忝侈夙夜勉修以拜帝社

神宗一首

神宗諱翊鈞穆宗長子建元萬厯在位四十八年崩

葬定陵有集一卷

野獲編今上以冲聖御宇張江陵相公進帝鑑圖說
以勸講內列聖哲芳規任愚覆轍二項以寓勸戒自
是益勤史學更命進講貞觀政要至十六年閣臣進
太祖御札在內閣者凡七十餘通上命留內恭藏因
索累朝實錄進覽閣臣對以實錄成時史臣俱會同
奏稿於芭蕉園人間並無底稿惟皇祖宗特建皇
史窠以藏列聖實錄寶訓但册樣稍廣宜減為書册
庶便展閱容令中書官騰進陸續上呈上允之由是

金匱石室之藏俱登乙覽矣
于慎行穀城山房集上廷臣僚得受賜者惟內閣講
求書者嘗數十紙而外廷即位好爲大書內使環立
臣而已字畫道勁鸞迴鳳舞時聖齡十餘歲矣丙子
張公位及慎行補入講幄上顧相君曰新講官二人
尙未賜與大字內使已濡墨俟上遂大書二幅賜位
及慎行字畫比賜諸公者稍大莊勁勝前時御齡已
十五矣
續玉笥詩談司禮張維蘄人也少侍今上春宮爲子
言上初學詩詠新月云天邊一輪月其形光皎潔可
比聖人心乾坤多照徹帝王氣象宛然二十字中
錢謙益列朝詩集上天藻飛翔留心翰墨每攜太合
鴨頭丸帖虞世南臨陸刻石吳中者也內府藏顏魯
一章御書賜太監孫隆刻石吳中者也內府藏顏魯
公書孝經命江陵相裝黃題識珠囊綈几未嘗一日
去左右喪亂之後朝士以百錢買得之魯公法書精
楷儼如麻姑仙壇每章有吳道子畫精彩映發手若
未觸天球琬琰零落人間矣

潮縣景命殿詩

翼翼京邑潮水滌之璇源遠濬載奠坤維尊靈長樂歡洽重

卷一

古

闡縣縣景命百祿咸宜瞻茲湯沐啟瑞集禧周原膺膺寶殿
攸基重門邃閣崇敞透池仁祠左拱靈宇右麗雲連棟接鳥
革翬飛虹祥式闡慈念載怡爰及薄海耀景咸熙聖母之德
綏此蒸黎百千萬禩永永無墮

靜志居詩話景命殿在潮縣永樂店萬曆三十六年
勅建爲孝定皇太后祝釐俗所稱九道菩薩者是

莊烈帝一首

帝諱由檢光宗第五子天啟七年以信王入踐大位

建元崇禎在位十七年寇陷京師殉社稷葬思陵

沈壽世破夢閒談上經營天下十有七年恭儉似孝
文英果類世廟白哲豐下瞻視威嚴聲若洪鍾讀書
日盈寸手書逼似歐陽率更
杜濬變雅堂集烈皇帝作松風二字大不盈尺端勁
軒翥非一時文士筆力所及
吳偉業綬冠絕略崇禎十二年前佩楊嗣昌以督師

明詩紀事卷一下

貴陽陳田輯

甲籤

翰林記吳元年七月乙亥先是命選道童俊秀者充
 樂舞生至是始集上御戟門召學士朱升領之入見
 設雜樂閱試上親擊石磬命升辨識五音升以宮音
 為徵音上曰何乃以宮作徵耶因命樂生登歌一曲
 上復歎曰古者知樂以和民聲格神而樂與天地同
 和近世儒者鮮方邱等分樂為之永樂元年九月詔
 命升等撰圖邱方邱樂章而朝享太廟諸樂章則詔
 翰林諸儒臣梁寅等為之永樂元年九月詔侍臣
 日皇考功德隆盛祖宗樂章未稱述爾等其議為
 也於是學士王景等擬述以聞然竟未施行蓋缺典
 靜志居詩話魏樂府不成於曹劉而成於繆襲晉樂
 府不成於潘左張陸而成於傅玄宋樂府不成於鮑
 謝而成於何承天北齊樂府不成於蕭愨而成於陸
 昂皆屬禮事明洪武樂章率出四學士之筆嘉靖樂
 章率出議禮諸貴人之詞假孝陵改命伯溫季迪永

明詩紀事卷一下

一

陵改命稱欽君采則其辭定遠追奚斯考父之盛不
 若儒鈍矣
 田按明初郊社廟樂章伯謂命學士朱升等在禮進余
 置邱方邱集有擬告天地此作則撰樂章當不
 梁撰石門宗廟樂章故有此作則撰樂章當不
 分撰郊祀宗廟樂章故有此作則撰樂章當不
 當亦此子充有擬郊祀樂章故有此作則撰樂章當不
 禮部尚書陶凱實錄洪武四年六月吏部尚書詹
 本六龍二曰仰大宴享九奏樂章成曰品物咸亨曰
 御太清先是上厭前代樂章率用諛詞以為容悅甚
 者鄙陋不稱乃命凱等更製其詞既成命協音律者
 歌自謂侍臣曰所製樂章頗協音律有和平廣大之
 意承旨歷代帝王廟成命錢宰撰樂章稱旨此皆朝
 樂承旨歷代帝王廟成命錢宰撰樂章稱旨此皆朝
 廷制也明初鳳池吟稿有大祀詩未云載歌
 周頌篇禮被樂宗鳳池吟稿有大祀詩未云載歌
 樂章播諸壇廟朝亡者取其有合雅製其當時擬製

諸篇亦附見於後云

洪武元年祀社稷異壇同壝樂章

崇壇北向明禋方闡有潔犧牲禮因物顯大房載設中情以
展景運既承神貺斯衍

右進俎凝和之曲

高為山林深為川澤崇邱廣衍亦有原隰惟神所司百靈效
職清醴初陳肅然昭格

右大社初獻壽和之曲

實錄洪武元年二月戊申上親祭大社大稷大社設
正位在東配以后土西向大稷設正位在西配以后
稷東向大社大稷位各用玉兩卣幣黑色牲用犢一
羊一豕一豮豆各十簋蓋各二釶三后土后稷位並
同但不用玉先期皇帝散齋四日致齋三日先祭一
日設大次於社稷門外之西南向設御位於壇內當

明詩紀事卷一下

二

兩壇之北鼎中南向皇帝服皮弁服備法駕詣大次
遂省牲視鼎鏤滌溉有司陳設如儀至日清晨諸執
事官各實尊彝簋蓋遵豆登釶實玉帛於筐置祀於
神位之右車駕至大次太常卿奏中嚴皇帝服通天
冠絳紗袍樂舞生及諸執事官陪祭入就位太常
卿奏外辦皇帝贊禮唱請以下在位官皆再拜贊禮
行事皇帝再拜皇太子以下在位官皆再拜贊禮唱
奠玉帛皇帝詣盥洗位揖盥悅出主詣大社神位
前協律郎舉麾樂奏肅和之曲皇帝跪揖上香奠
玉帛出主再拜興次詣后土神位贊禮唱進俎協律
郎舉麾樂奏凝和之曲皇帝復位贊禮唱進俎協律
郎舉麾樂奏凝和之曲皇帝復位贊禮唱進俎協律
位出主次詣后土神位贊禮唱進俎協律郎舉麾
位前並如大社儀復位贊禮唱進俎協律郎舉麾
洗執爵酌醴齊以爵授執爵官出主詣后土神位
協律郎舉麾樂奏壽和之曲武功之舞皇帝跪揖
上香祭酒奠爵出主讀祝官取祝讀皇帝俯伏與
再拜次詣后土神位前次詣大稷壇大稷后稷位
前並如大社儀復位亞獻酌盃齊樂奏和之曲文
德之舞終獻酌汎齊樂奏和之曲文德之舞儀並

同初獻但不用祝獻畢太常奏飲福受胙皇帝詣飲
福位再拜跪稽圭執事官以爵置於坫奉胙進皇帝
受胙以授左右出圭俯伏興再拜興皇太子以下皆
再拜大稷壇如之復位贊禮唱微豆協律郎舉麾樂
奏雍和之曲掌祭官各徹拜贊禮唱送神協律郎舉
麾樂奏安和之曲皇帝詣望座位執事置土於坎實土至半太常
祝官取祝奉幣官取幣掌祭官取牲饌詣壑所拜讀
坎內皇帝詣望座位執事置土於坎實土至半太常
卿奏禮畢駕還大次解嚴

洪武元年祫享太廟樂章

維我皇祖淑後貽謀盛德靈長與泗同流發於孫枝明禋載

修嘉澗如海恩何以酬

天罔極愆懃三獻我心悅懌

承先人之德化家為國母曰予小子基命成績欲報其德昊

天罔極愆懃三獻我心悅懌

明詩紀事卷一下

三

天罔右終獻熙和之曲

樂奏具肅神其燕嬉告成於祖亦右皇妣敬徹不遲以終祀

禮祥光煥揚錫以嘉祉

右徹豆雍和之曲

顯兮幽兮神運無迹鸞馭逍遙安其所適其靈在天其主在

室子子孫孫孝思無斁

右送神安和之曲

實錄洪武元年四月丁未祫享太廟德祖皇帝考妣神
位居中南面懿祖皇帝考妣神位居東第一面高祖
祖皇帝考妣神位居西第一面東向仁祖皇帝考妣神位
居東第二面西向先期皇帝散齋四日致齋三日
祭一日皇帝服通天冠絳紗袍省牲視鼎饌滌滌有
司陳設如儀至日清晨皇太子奉迎各廟神主合祭
於德祖廟車駕至太常卿奏中殿皇帝服袞冕
太常卿奏外辦皇帝入就位贊禮唱迎神協律郎舉

音登 塵樂奏泰和之曲贊禮唱請行禮太常卿奏有司謹
具請行事皇帝再拜贊禮唱奠帛行初獻禮皇帝詣
盥洗位事主盥洗位主詣祝位前次詣讀
授執事者出主詣德祖神位前次詣照祖神位前次詣讀
和之曲皇帝跪搢圭上香奠帛祭酒奠爵出主俯伏
與再拜次詣懿祖神位前次詣祝位前次詣讀
祖神位前皆如前儀詣讀祝位跪讀祝位前次詣讀
訖皇帝俯伏與再拜復位贊禮唱行亞獻禮各掌祭
官以爵受酒尊於神位前樂奏豫和之曲文德之舞
皇帝再拜終獻樂奏熙和之曲文德之舞儀同亞獻
其終獻樂舞則四代共之事贊禮唱酌福酒跪進皇帝
飲福位再拜跪搢圭執事官以爵酌福酒跪進皇帝
受爵祭酒飲福以爵置於坵奉酢官奉酢跪進皇帝
受酢以授左右出主俯伏與再拜復位贊禮唱徹豆
協律郎舉麾樂奏雍和之曲掌祭官各徹豆贊禮唱
送神協律郎舉麾樂奏安和之曲皇帝再拜讀祝官
取祝奉幣官取幣各詣燎所贊禮唱望燎畢皇帝詣望
燎位執事者以炬燎火柴半燎贊禮唱禮畢皇太子
奉神主還各廟駕還大次解嚴

大清洪武六年釋奠先師孔子樂章
明詩紀事卷一下 四

大哉宣聖道德尊崇維持王化斯民是宗典祀有常精純益

隆神其來格於昭聖容

右迎神咸和之曲

自生民來誰底其盛惟王神明惟王後改度越前聖黍帛具

成禮容斯稱黍稷非馨惟神之聽

右奠帛甯和之曲

大哉聖王實天生德作樂以崇時祀無斃清酌惟馨嘉牲孔

碩薦羞神明庶幾昭格

右初獻安和之曲

百王宗師生民物軌瞻之洋洋神其甯止酌彼金壘惟清且

旨登獻惟三於戲成禮

右亞終獻景和之曲

犧象在前豆遵在列以享以薦既芬既潔禮成樂備人和神
悅祭則受福率遵無越

右徹饌咸和之曲

有嚴學宮四方來宗恪恭祀事威儀雍雍歆格惟馨神馭旋
復明禋斯畢咸膺百福

右送神復奏咸和之曲

實錄洪武六年八月翰林承旨詹同侍講學士樂韶
鳳等上所製釋奠先師孔子樂章禮部尚書牛諫復
以所定禮儀進其儀前祭一日次清晨皇帝眼皮弁服御
官祭先師孔子齋一日次日清晨皇帝眼皮弁服御
奉天殿傳制遣官是日獻官承制畢往祀所省牲將
祭樂舞生就位執事分獻陪祭官各就位引贊引獻
官就位典儀唱迎神典樂舉麾奏咸和之曲獻官以
下各四拜典儀唱奠帛行初獻禮典樂舉麾奏宵和

明詩紀事卷一下

五

之曲獻官詣盥洗所搯笏盥手出笏典樂舉麾奏安
和之曲文德之舞獻官詣酒尊所執事者以爵受酒
獻官詣大成至聖文宣王神位前跪搯笏奠帛獻爵
出笏執事者取祝跪讀訖獻官俯伏與平身次詣充
國邨國沂國鄒國公神位前皆如上儀復位典儀唱
行亞獻禮典樂舉麾奏景和之曲執事者以爵酌酒
奠於神位前典儀唱行終獻禮行分獻禮其終獻禮
典樂舉麾奏景和之曲儀同亞獻亞終無皆同初獻
典儀唱飲福受胙獻官詣飲福位跪搯笏執事者以
爵進獻官飲福酒執事者以爵進獻官受胙出笏俯
伏與平身復位再拜獻官以陪進獻官皆再拜典儀
唱徹饌典樂舉麾奏咸和之曲執事者各詣神位前
徹饌典儀唱送神典樂舉麾奏咸和之曲獻官以下
皆四拜典儀唱讀祝者捧祝掌祭官捧帛饌各詣瘞
所獻官詣望瘞位禮畢制曰可

洪武十五年重定宴饗九奏樂章

田按實錄洪武十五年正月儒臣重制餼食九奏樂章
宴羣臣於謹身殿初一奏天常司官奏某月遣
至是大宴始奏用之一奏天常司官奏某月遣
之曲三奏睿皇明之曲四奏天道傳之曲五奏振皇

綱之曲六奏金陵之曲七奏長楊之曲八奏芳醴之曲九奏駕六龍之曲考明制大宴凡四一大祀宴成大宴一萬壽聖節大宴一冬至大宴一正旦大宴皆用此樂章朱氏詩綜但題作慶成宴樂章非其實也永樂十八年重定宴饗樂章一奏上萬壽之曲二奏仰天恩之曲三奏感地德之曲四奏民樂生之曲五奏感皇恩之曲六奏慶豐年之曲七奏集禎應之曲八奏永皇圖之曲九奏樂太平之曲亦是四大宴通用至嘉靖間續定慶成宴樂章則專用於慶成宴矣

炎精開運篤生聖皇大明御極遠紹虞唐河清海宴物阜民康威加夷獠德被戎羌八珍有薦九鼎馨香鼓鐘鐻宮徵洋洋怡神養壽理陰順陽保茲遐福地久天長

右一奏炎精開運之曲

皇風被八表熙熙聲教宣時和景象明紫宸開繡筵龍袞耀朝日金鑪裊祥煙濟濟公與侯被服麗且鮮列坐侍丹宸馨

明詩紀事卷一下

六

折在周旋羔豚升華俎玉饌充方圓初筵奏南風繼歌虞載篇瑤觴欣再舉拜俯禮無愆同樂及斯辰於皇千萬年

右二奏皇風之曲

赫赫上帝眷我皇明大命既集本固支榮厥本伊何育德春宮厥支伊何藩邦以甯慶延百世澤被羣生及時爲樂天祿是膺千秋萬歲永觀厥成

右三奏眷皇明之曲

馬負圖兮天道傳龜載書兮人文宣義畫卦兮禹疇敘皇極建兮合自然綿綿歷數歸明主祥麟在郊威鳳舞九夷入貢康衢謠聖子神孫繼祖武垂拱無爲邁前古

右四奏天道傳之曲

周南詠麟趾卷阿歌鳳凰藹藹稱多士為楨振皇綱赫赫我
大明德尊踰漢唐百揆修庶績公輔理陰陽義冠正襟佩都
俞在高堂坐令八紘內熙熙民樂康氣和風雨時田疇見豐
穰獻醴過三爵歡娛良未央

右五奏振皇綱之曲

長楊曳綠黃鳥和鳴茵萑呈鮮紫燕輕盈千花浥露日麗風
清及時為樂芳尊在庭管音嘒嘒絲韻泠泠玉振金聲各奏
爾能皤皤國老載勸載懲明德惟馨垂之聖經唐風示戒永
保嘉名無已太康哲人是聽

右七奏長楊之曲

夏王厭芳醴商湯遠色聲聖人示深戒千春垂令名惟皇登

明詩紀事卷一下

七

九五玉食保尊榮日昃不遑餐布德延羣生天庖具豐膳鼎
鼐事調烹豈但資肥甘亦足養遐齡達人悟茲理恆令五氣
平隨時知有節昭哉天道行

右八奏芳醴之曲

明會典洪武二十六年定大宴儀是日尙寶司設御
座於奉天殿錦衣衛設黃麾於殿外之東西金吾等
衛設護衛官二十四員於殿外設三舞雜隊於殿下
歌於殿內設大樂於殿外設三舞雜隊於殿下
司官設酒亭於御座下之西膳亭於御座下之東
羞醢醢亭於酒膳亭之東西設御筵於御座之東西
設羣臣四品以上位於殿外之東西兩廊司壺尙食
卓於殿外設五品以下位於殿外之東西兩廊司壺尙食
各供坊事引禮引羣臣殿外東西兩廊司壺尙食
奏請升座駕輿大樂作升座鳴鞭樂止鳴贊引文武
官四品以上由東西門入殿中橫班北向立五品以
下官列於殿外丹墀北向立樂作贊四拜樂止光祿
司官進御筵太樂作捧案至御前樂止進花樂作進
訖樂止光祿司官開筵注酒捧詣御前進第一爵進

教坊司跪奏進一奏炎精開運之曲贊內外官皆跪教
坊司跪奏進贊各就班隨進爵酒御前班隨奏
拜平身樂止序班即進羣臣蓋第二爵酒教坊司跪奏
散訖樂止序班即進羣臣蓋第二爵酒御前班隨奏
二奏皇風之曲樂作光祿司官斟酒御前班隨奏
羣臣酒教坊司跪奏進酒候皇帝舉酒羣臣次舉
吹訖殿上樂作羣臣起立鼓吹司官進湯御前班
復位序班即供羣臣湯皇帝進湯訖贊成樂止武
舞入教坊司跪奏平定天下之舞無士三十二人皆
左執干中畫升龍雲氣右秉戚戚長下廣六寸朱質上
畫雉羽中畫升龍雲氣右秉戚戚長下廣六寸朱質上
漆柄金妝戚斧分爲四行每行八人舞作發揚蹈厲
坐作擊刺之狀皆冠黃金束髮冠紫紛纓青羅生色
畫舞鶴花窄袖衫白生絹襯衫領紅羅銷金大袖
窄袍紅羅銷金沿紅絹攏項紅結衣沿紅羅銷金大袖
藍青羅銷金沿紅絹攏項紅結衣沿紅羅銷金大袖
帶青絲大繸錦臂鞢綠雲頭龍舞師二人執旌以
引之旌長七尺五寸珠紅漆柄龍吞口懸五色羽
九層每層用塗金寶蓋紅大袖衫白垂絲結錦領塗
黃金束髮冠紫羅大袖衫白垂絲結錦領塗

明詩紀事卷一下

三奏帶綠雲頭靴舞畢出第三爵酒教坊司跪奏
奏舞安四夷之舞無士十六人東夷四人推髻於後
繫紅銷金頭繩紅羅銷金抹額中綴塗金博山兩旁
綴塗金環銷金耳環青銷金羅生色畫衣大袖衫領
金束帶烏皮鞋西戎四人間道錦纏頭明金沿藍青
納絲細褶子大紅羅生色雲肩綠纏頭明金沿藍青
銷金汗袴紅銷金沿繫腰鈿十字泥金數珠五色羅
銷金羅香囊紅羅生色銀錠紅銷金赤靴南蠻四環
織天髻繫紅羅生色細短裙緞錦袴明金耳環繫
手巾泥項牌織金細纓紅結小金鈴錦行纏泥金獅
蠻帶綠銷金項牌織金細纓紅結小金鈴錦行纏泥金獅
冠細鼠皮簷雙垂髻紅銷金頭緞紅羅銷金抹額繫
腰合鈿阜皮靴藍青生色雲肩紅結小金鈴錦行纏
俯伏之狀舞師二人執幢引行舞作拜跪朝講喜躍
紅漆柄金龍吞口懸五色羅幢引行舞作拜跪朝講喜躍
金吹帶末垂紅粉結子皆戴白捲簷帽塗金汗袴藍
青銷金沿塗金束帶綠纓項紅結子赤靴舞畢出

第四爵酒教坊司跪奏四奏天道傳之曲樂作進湯
如前儀食畢教坊司跪奏車書會同之舞舞士三十
二人左執籥籥長三尺五寸珠紅漆柄金龍口上
三竅右秉翟籥長三尺五寸珠紅漆柄金龍口上
綴雉羽五層每層用塗金寶蓋紅絲縵穿末用紅綠
結子分為四行每行八人舞坐作進退舒徐揖讓升
降之狀皆冠黑光描金方山冠青粉纓衣素紅縷
袖衫紅生絹襖衫錦領紅羅冠頂紅結子冠服與舞
白絹大口袴白布襪茶裙舞師二人執翹以引之
翹長七尺五寸珠紅漆柄金龍口懸白鷺羽九層
用塗金寶蓋紅絲縵穿末垂紅絲結子冠服與舞
同惟大袖衫用青不用紅羅網之曲進酒如前儀
爵酒教坊司跪奏五奏振皇綱之曲進酒如前儀
畢教坊司跪奏百戲承應舞畢出第六爵酒教坊司
跪奏六奏金陵之曲進酒進湯如前儀教坊司跪奏
八蠻獻寶進呈舞畢出第七爵酒教坊司跪奏採蓮
長揚之曲進酒如前儀教坊司跪奏八奏芳醴之曲
進酒進湯如前儀教坊司跪奏九奏駕六龍之曲進
湯如前儀教坊司跪奏九奏駕六龍之曲進酒進湯
九爵酒教坊司跪奏九奏駕六龍之曲進酒進湯
飲訖光祿司官收御前羣臣起立進訖復坐序班隨
官進湯進大膳大樂作羣臣起立進訖復坐序班隨

明詩紀事卷一下 九

供羣臣飯教坊司跪奏進膳食訖贊承成樂止光祿
司官收膳訖教坊司跪奏百花隊舞承應舞畢出鳴
贊唱撤案序班撤羣臣卓訖光祿司官即撤御案贊
宴成羣臣皆出席向北立序班即撤羣臣座殿外官
皆詣丹墀北向立贊鞠躬樂作贊四拜與平身樂止
羣臣分東西立儀禮司跪奏禮畢駕輿大樂作鳴鞭
百官以次出

嘉靖九年祀先蠶樂章

載舉清觴蠶祀孔明以格以享鼓瑟吹笙陰教用彰坤儀永
貞神之聽之鑒此禋誠

右亞獻順和之曲

神之格思桑土是宜三纁七就惟此繭絲獻禮有終神不我
遺錫我純服藻繪皇儀

右終獻宵和之曲

范守己肅皇外史初夏言清理皇莊事竣疏言宜將
負郭官莊改為嘉靖親蠶廠種植桑柘祀言奉命分獻南
因而不合感遂疏請舉親蠶禮帝嘉納於西內堪備蠶事
尚書梁材上言宜建於皇城內或西內堪備蠶事
帝曰周禮耕蠶分於南北郊其蠶於禁中唐人便安
酌之制不可為法壇是禮部制書李時器擇厚內臣用
翟車出入或從東華門或從元武門其壇制殺先
肅宮禁帝從之命翟車出入由元武門其壇制殺先
農什一建具服殿蠶室蘭館俱如古制仍於西內營
織堂以終蠶事
明會典嘉靖九年初建先蠶壇於北郊歲春擇日皇
親蠶禮齋戒前期三日尚儀奏致齋三日內執事並
司贊六尚等女官及應入壇者各齋三日內執事並
北日蠶宮公陳女官及應入壇者各齋三日內執事並
北向設宮贊位於壇南設司贊位於壇後俱異位重下
西設司賓位於壇外命婦班引外命婦於皇后拜位之
東所入具服殿以北為上尚儀諸皇后前奏請皇后易禮

明詩紀事卷一

十

服出殿門將至壇內贊一唱
其事導引女官導皇后至拜位司贊奏就位次公
次內命婦又次外命婦各就拜位內贊唱就位次公
神贊貞和之曲外命婦各就拜位內贊唱就位次公
內贊唱奠帛行初獻禮奏壽暫止內贊唱執事官贊
帛贊跪於神位前各奠訖讀祝文官跪於神位前贊
讀訖樂作司贊奏與皇后興讀祝文官跪於神位前贊
唱行亞獻禮奏與皇后興讀祝文官跪於神位前贊
神之曲執事女官進立壇東西獻禮儀同亞獻奏齊和
皇受胙訖執事女官以胙跪進於皇后右奏飲胙酒
同內贊唱撤饌奏與皇后興司贊奏二拜公主受胙
前散饌訖樂止內贊唱送神樂奏與皇后興司贊奏
具服殿更常衣行親蠶禮蠶止司贊唱祝官捧祝執事
嘉靖十年大禱樂章

嘉靖十年大禱樂章

於惟皇祖肇創丕基鍾祥有自曰本先之奄有萬方作之君
師追報宜隆以申孝思瞻望稽首介我休禧

右迎神元和之曲

木有水兮水有源人本祖兮物本天思報德兮禮莫先仰希
鑒兮敢弗虔

右初獻壽和之曲

田按嘉靖十年帝以禘義詢大學士張璁令與侍講
學士夏言議言撰禘義一篇獻之大意謂自秦漢以
來封建之制廢無世家譜牒不明莫知其祖所自出
若必欲如虞夏商周之禘黃帝帝譽則既無所考若
必欲強求其所恐為謹推明古典采酌先儒精微之
論宜為虛位以祀帝深然之會中允廖道南謂朱氏
為顛項裔請以太祖實錄為據禘顛項遂召禮部以
言道南二疏會官詳議大學士璁首言虛位者求
之虛則失之無言顛項者求之遠則失之誣惟禘德

明詩紀事卷一下

士

祖為當羣臣以璁言為是帝意主虛位令再議言復
疏論禘德祖有四可疑德祖自開國以來享始祖之
祭舊矣今又以為所自出之帝是不過強易置其名
耳且禘以德祖祫以太祖則懿熙仁三祖既不得相
從於禘又不得降從太祖於祫是廢三祖之祭也帝
併下其章諸臣乃請設虛位以禘皇初祖南向奉太
祖配西向禮部上大禘儀注前期告廟致齋三日備
香帛牲禮如時享儀至日行禮如大祀圜邸儀樂章
迎神元和之曲初獻壽和之曲亞獻仁和之曲終獻
德和之曲徹饌太和之曲送神永和之曲

嘉靖十一年雩祀雲門曲

景龍精兮時見測鵲緯兮宵懸肆廣樂兮鏗鉤列皇舞兮躡
躡祈方社兮不莫薦圭璧兮孔虔需密雲兮六漠霽甘澍兮
九元慰我農兮既瀝錫明昭兮有年

靜志居詩話嘉靖十一年禮臣等議曰郊以禮為重
雩以樂為主合照圜邸樂舞之數以四方之色成樂
舞之服庶稱古人盛樂皇舞之制兼請三獻禮成之
後九奏樂止之時命詞臣曠括雲漢詩詞別製雲門

一曲使文武之士青衣執羽並舞而合歌之乃定議
迎神奏中和之曲奠帛奏肅和之曲進俎奏咸和之
曲初獻奏壽和之曲亞獻奏景和之曲終獻奏永和
之曲徹饌奏凝和之曲送神奏清和之曲望燎奏大
和之曲祭畢使道童歌雲門之曲

嘉靖十五年九廟特享樂章

禮畢樂成神悅人宜遷豆靜嘉敬徹不遲穆穆有容秩秩其
儀益祇以嚴矧敢斃於斯

右太祖廟徹饌豫和之曲

於維文皇重光是宣克戡內難轉坤旋乾外讐百蠻行八
埏貽典則於子孫不忘不愆聖德神功格於皇天作廟奕奕
百世不遷祀事孔明億萬斯年

右成祖廟迎神太和之曲

《明詩紀事卷一下

三

明明我祖盛德天成至治許謨遙駿有聲專奠致享惟古經
是程春祀有嚴以迓聖靈惟陟降在庭以資我思成

右仁廟迎神太和之曲

宣廟英廟憲廟同

樂比聲歌佾舞婆娑稱彼玉爵酒旨且多獻享惟忠神聽以
和孝孫在位受福不那

右仁廟終獻宵和之曲

宣廟英廟憲廟同

列祖垂統景運重熙於惟孝皇敬德允持用光於大烈化彼
烝黎專廟以享經禮攸宜俎豆式陳庶幾來思

右孝廟迎神太和之曲

武廟迎神亦同此曲惟易於惟
武皇昭德敕威用翦除奸凶大

業弗廢四句

田按明初作四親廟於宮城東南各爲一廟德祖居
中懿祖東第一熙祖西第一仁祖東第二皆南向洪
武八年改建太廟爲同堂異室之制中室奉德祖東

一室奉懿祖西一室奉熙祖東二室奉仁祖皆南向
建文即位奉太祖南向成祖遷都建廟如南京制宣
德元年奉成祖南殿正殿神座文仁祖南向寢殿神
主居東第三室南向二年仁宗南殿正殿神座次大
祖南向寢殿神主居西室孝宗即位德宗南殿神座
皆以次居東西室後稷不可祫憲宗升祔時九廟已
備禮臣謂德祖視周后稷不可祫憲宗升祔時九廟已
祖宜於太廟寢殿後別建祫殿如古夾室之制歲暮
則奉祫主合享如古祫祭之禮帝從其議其後奉祫
皆徹此嘉靖初既尊皇考為睿宗獻皇帝特立世廟
繼又以皇考專享世廟而成祖以下不得專廟以祀
於心未安十五年新廟成特建成祖以下七廟改世
廟為睿廟合太廟而九定九廟特享儀此樂章所謂
專廟以享紀其事也至二十四年又罷特廟之祀

王國祀仁祖廟樂章

皇圖聿崇茅社受封禮分雖異孝思則同緬懷世德源深流
鴻報本有祀式昭神功

明詩紀事卷一下

三

右迎神清和之曲

王國之東清廟翼翼奉我皇祖享祀弗忒薦以牲牲敢曰充
膾神其迪嘗純嘏是錫

右奉牲慶和之曲

皇祖載德既清且仁弗耀其身委祉後人隘茲藩服典祀維
寅清醴方薦歆其苾芬

右初獻保和之曲

穆穆靈宮庭燎有燁貳觴載升神其樂止其樂伊何錫我繁
祉磐石之宗本支百世

右亞獻清和之曲

神兮下臨陟降在庭不見其形如聞其聲冷風肅然達於兩

楹禮成之終神保攸甯

右終獻成和之曲

神具醉止威儀孔肅曰爾孝孫來飲爾福介爾眉壽膺爾百
祿子孫保之以引以續

右飲福成和之曲

禮備樂舉祀事攸宜孰其尸之廢徹不遲皇哉神惠覃及我
私靈氛將逝如何無思

右徹豆嘉和之曲

杳兮忽兮神運無迹鸞馭上征星流颯疾其靈在天其主在
室億萬斯年孝思無斁

右送神德和之曲

明詩紀事卷一下

四

明集禮親王祭仁祖廟儀前期王散齋四日致齋三日
日前祭一曰典祠啟王服遠遊冠絳紗袍典儀典祠
導引王省牲視鼎鑊祭日清晨典祠啟王服冕服典
儀典祠導引王入就位司禮唱迎神樂工奏涓和之
曲司禮唱行禮典祠啟行事鞠躬拜興平身司禮唱
奠幣行初獻禮樂工奏保和之曲復位司禮唱行亞
獻禮樂工奏清和之曲復位司禮唱受肝復位司禮唱
奏成和之曲復位司禮唱飲福受肝復位司禮唱徹
豆樂工奏嘉和之曲司禮唱送神樂工奏德和之曲
司禮唱望燎樂工奏口口之曲典祠啟禮畢導王還
次

擬祭告天地樂章

仰明明瞻巍巍如事父粟以夔物莫稱德曷報之酌用陶匏

斯其宜

右上帝酌獻

六府孔修生我兆民富媪之功陸海之珍洞洞屬屬清醕以陳所佑維德禎祥其臻

天子石地祀終獻

鸞輿下臨從百神金支秀華耀五雲壇峨峨靈欣欣位以序列享明禋

石分獻

梁寅石門集禮局中承詔分撰郊社宗廟樂章故有此作其音調乖戾雖不可破之筦絃然出於上命不敢棄其草謹錄藏之

擬朝會樂章

天眷聖皇應運開基尊臨大寶撫有華夷武功底定文德宏施微臣曷報仰稱壽厄

明詩紀事卷一下

五

右上壽樂奏壽和之曲

田按此朝會樂章願祿所擬見明文衡

擬朝會樂章

天命有德之舞

箕疇演洛之靈元龜出聖之徵皇孝理表八紘役五神策六丁盾五總符十朋介金石利永貞天子九九八十一萬歲壽與天齊并

右神龜呈

天子踐祚宏拓皇謨義聲翕沓陰肅陽嘯東款扶桑西徼余喜澣海祝栗狝狝以拱宸樞玉帛匪頌王會有圖萬歲千秋協


我貞符

右四夷來

田按此朝會樂章王景所擬見明文衡

明詩紀事卷一下

六



右四夷來

田按此朝會樂章王景所擬見明文衡

右四夷來

我貞符

田按此朝會樂章王景所擬見明文衡

明詩紀事卷二

貴陽陳田輯

甲籤

田按明史藝文志集部稱各藩及宗室自著詩文集
 已見本傳不載及檢本傳良不盡然蓋史館編纂時
 以王鴻緒史藁為底本史藁藩王宗室自著詩文集
 散見於本傳中故志文云然明史於本傳削去詩文
 集名僅存一詩體例簡嚴史法應爾但於藝文志內
 未載原文亦未刪去今將明史所載宗藩集名及史
 所未載而見於史藁並四庫總目各家書目總集
 專集雜載所述備列於此以待參考秦藩簡王誠詠
 賓竹小鳴藁十卷有集晉藩慶成吟亭詩草敬鍾梅雪
 軒詩藁四卷誼洵有集晉藩慶成吟亭詩草敬鍾梅雪
 藁寶善堂藁二卷周藩憲王有燉誠齋錄新錄鎮平
 恭定王有曠德善齋詩集鎮國中尉睦樺坡上集二
 十卷輔國中尉睦橫奉國將軍勤焮王孫朝壘三世
 詩合秀軒集武岡保康王顯槐少鶴山人集十六卷
 現統秀軒集武岡保康王顯槐少鶴山人集十六卷

卷二

王孫華園梅湖桃溪集齊藩王孫慶槩冠魯藩
 靖王肇輝憑虛藁惠王泰堪梅齋藁莊王陽鑄尊德
 堂藁鎮國中尉頤塚赤霞館集安邱奉國將軍頤墟
 玄同館集王孫頤墟市隱堂集六卷蜀藩獻王椿獻
 園玄定王友垓有集十卷惠王申鑒園集成王讓
 胡長春競辰集十六卷端王宣折端園集代藩靈邱
 榮順王遜炨雲溪藁王眞浹星海集遼藩簡王植有集
 藥佩蘭集肅藩靖王眞浹星海集遼藩簡王植有集
 庶人憲檇味祕草堂集輔國中尉衍均棊組堂集鎮
 國將軍惠燮哀黍離詩儼鐘句曲山人詩甯藩榮端
 王龍濱博文堂藁王孫儼鐘句曲山人詩甯藩榮端
 權采芝吟靖王奠培仙謠卻埽吟擬古詩建安奉國
 將軍拱樞瑞鶴堂集石城王孫拱樞巢雲集四卷鎮
 國中尉謀璋枳園近藁王孫謀晉羔雁淹留蕪城中
 車四集樂安中尉多煢國隱集鎮國中尉統燧
 用海集樂安中尉多煢國隱集鎮國中尉統燧
 適園詩集面壁齋文集七陽輔國將軍拱樞負初集
 二卷奉國將軍多煌委蛇集奉國將軍多煌五遊劬
 遊集甯國王孫謀堯亨第集謀境擊轍集容重初吟
 草齋藁宣王恬凝齋集憲王肩樛清秋唱和集保
 和齋藁沁水康僖王瑄絳筠軒藁定王理堯修業堂崇
 山房藁沁水康僖王瑄絳筠軒藁定王理堯修業堂崇

即詩餘

將軍恬燥振菴集鎮國將軍恬焮達菴集輔國將軍
理圻怡真亭葉輔國將軍程瑄王田幼圩飲河集二
鏗立攬齋盤秀山房集清源莊簡老人集德平榮順
十五卷續集入卷王孫清灼重瞳老人集唐詩成
王脩樞集書樓葉安慶端懿王恬燿嘉慶集鎮康恭
裕王恬焯西巖漫葉奉國將軍效錫壺集集江藩成
王彌錦囊天小葉恭王彌錫謙光堂詩集秋江藩三
城康穆王芝坭進修葉承休昭毅王彌錫存齋樂府
復齋錄新野鎮國中尉碩燭巨勝圍集輔國中尉器
封巢圍集漢庶人高照擬古感興詩趙藩康王厚煜
居敬堂集十二卷荆藩富順四卷王孫載堦大隱山人
山王羽鈺廣譙堂集二十四卷王孫載堦大隱山人
集衡藩新樂康憲王載璽樓居田居葉夢詠神覽集
益藩莊王厚焯勿齋集詠史詩王孫常淵防露館藁
總集則中尉觀樞輯海岳靈秀集新樂王載璽輯諸
藻著述爲綺合繡揚集中尉謀璋輯藩藻麟角集明
藻詩菁英

周定王櫛 四首

王太祖第五子洪武三年封吳十一年改封周洪熙

卷二

元年薨有元宮詞一卷

名山藏王好學能詞賦工書從上所賜元嫗得聞元
宮中事製元宮詞百章時人以此之頌三輔黃圖
田按定王賦元宮詞百篇永樂時獻頌三輔黃圖
采嘗登天桂清香之樓俯瀚雲之亭召從臣曾子禎
鄒爾思周是修同遊子禎獻賦云惟吾君之英姿兮
瑩琮琤而含章稟天然之上智兮尤博學以無方爾
愚賦云效姬旦之屬屬兮若賦云徹東平之爲善兮
上安兮亦友于而下施是修賦云攸百福而長榮兮
慕河間之執清培玉潢於萬世兮臻百福而長榮兮
答賦云繁三臣之進言兮俱有倫而有理飭先後與
始終兮將啟沃乎吾志彼聲色與敗遊兮固非吾之
所向暨神仙之杳冥兮多徒勞於夢想文宴從容不
減梁園故事王有十五子憲王有焯博學善書鎮平
王有煥工詩歌書畫周是修芻蕘集稱郡王殿下利
明本中峯梅花百咏詩清雅端潔惜今不傳

元宮詞

蜜漬金桃始獻新禁城三伏絕囂塵炎蒸微至清甯殿玉杵

敲冰賜近臣

侍從皮帽總姑麻罽罽高冠勝六珈
進得女真千戶妹十三嬌小喚茶茶

奎章閣下文詞盛大液池邊遊幸多
南國女官能翰墨外間鈔得竹枝歌

隊裏惟誇三聖奴清歌妙舞世間無
御前供奉蒙深寵賜得西洋塔納珠

蜀獻王椿一首

王太祖第十一子洪武十一年封二十三年就藩成
都永樂二十一年薨有獻園集

田按獻王儒雅好學孝陵呼為蜀秀才嘗奉命講武
中都闕西堂延名士李叔荆蘇伯衡等商榷文史叔

卷二

三

荆名鎬以字行臨川人洪武戊辰與伯衡同主會試
伯衡為叔荆作先考北廬墓誌甚致推挹余甄其詩
錄別卷王之國後聘漢中教授方孝孺為世子傅傾
懷下接嘗與孝孺書云公西州之冠見有識者無不
心悅誠服而新學晚生亦有所依歸也余一日不見
有如三秋又云懿文清節有東漢之風尙志立言為
當代之重詞旨雅令如此惜獻園集不傳

賜方教授詩

伊昔開東閣相看眼獨青文章奏金石衿佩觀儀型
應世遊三輔焉能困一經前星垂炳耀染翰侍彤庭

宵獻王權二首

王太祖第十七子洪武二十四年封二十七年就藩

大宵永樂二年移南昌正統十三年薨有采芝吟四

名山藏王白哲美髯負氣好奇嗜學博古自其髻鬣
時自稱大明奇士老號癯仙所論著及於卜筮修煉
琴奕諸書手製博山鑪及古瓦硯皆極精緻
列朝詩集王侍靖難功頗驕恣多怨望不遜作日蝕
詩云光浴咸池正皎然忽如投暮落虞淵青天俄有
星千點白晝爭看月一弦蜀鳥亂嗁疑入夜杞人狂
走怨無天舉頭不見長安日世事分明在眼前以此
詩徵之王之怨望信矣又作囊雲詩云蒸入翠書潤
粘來几榻寒小齋非嶺上弘景坐相看王每月令人
往廬山之巔囊雲以歸結小屋曰雲齋障以簾幙每
日放雲一囊四壁氤氳如在崑洞余觀周憲王有送
雪詩鷹仙囊雲憲王送雪此宗藩中佳話可屬對也

宮詞

新選昭儀進御來女官爭簇上平臺宮中未識他名姓都把
花名作字猜

忽聞天外玉簫聲花下聽來獨自行三十六宮秋一色不知
何處月偏明

卷二

四

雙槐歲抄雁仙宮詞忽聞天外玉簫聲一絕王司殺
宮詞瓊花移入大明宮旖旎濃香入晚風贏得君王
留步輦玉簫嘹唳月明中是時賢妃權氏順妃任氏
昭儀李氏婕妤呂氏美人崔氏皆朝鮮人權尤穠粹
善吹玉簫永樂八年侍上征虜還至臨城薨益恭獻
朝鮮國王李芳遣驛送妃父權永均至拜光祿寺卿
食祿不管事尋遣歸國貢女不復至聖德剛明不爲
蠱惑如此

漢庶人高煦一首

庶人成祖第二子永樂二年封漢王十五年就藩宣
德八年叛降庶人繫逍遙城死國除有擬古感興詩

擬古

武皇藉文景民殷倉粟陳不守清淨化開邊政多門四方屢
遊幸萬里馳三軍有子不自保哀哉真少恩外虛仁義名奈
茲多欲身神仙在何處茂陵今幾春

周憲王有燉三首

王周定王長子太祖孫洪熙元年襲封景泰三年薨

有誠齋錄新錄諸集

宋謀璋藩獻記憲王好文辭兼工書畫
書史會要憲王集古名迹十卷手自摹臨勒石傳世
名曰東書堂法帖
沈德符顧曲雜言周憲王所作雜劇最夥名誠齋樂
府雖警拔稍遜古人而調入絃索穩叶流麗猶有金
元風範

列朝詩集憲王遭世隆平奉藩多暇製誠齋樂府傳
奇音律諧美流傳內府至今中原絃索多用之李夢
陽汁中元宵絕句云中山梁橋外新妝趙女燕姬總
擅場齊唱憲王新樂府小樓風靜落花閒春夜云彩
日云深巷日斜巢燕急風靜落花香秋夜云梧桐露滴
檻露濃垂柳溼珠簾風靜落花香秋夜云梧桐露滴
鴛鴦瓦楊柳風寒翡翠堂牡丹亭書景云鶯囀小院
穿青柳燕蹴飛花過粉牆日暮云林鳩喚友常知雨
海燕將雛不避人雲林清趣云采藥一僧雲外去巢
松雙鶴雨中還送人云南浦斷虹收雨去西風新雁

卷二

五

雲英

帶霜來漫興云南國音書歸雁盡西園風雨落花愁
和王長史云採得藥苗還竹徑著殘棋子坐花陰紅
心驛云枕上夢迴鶯語消窗前風定柳陰涼橫隄晚
望云神如秋水十分淨心似中原萬里平皆風華和
婉風澗乎盛世之音也

雲英何處訪遺蹤空對陽臺十二峯花院無情金瑣合蘭房
有路碧苔封消愁茶煮雙團鳳縈恨香盤九篆龍腸斷端清
樓閣裏墨痕燭炮尙重重

列朝詩集雲英姓夏氏憲王之宮人也生五歲閨誦
孝經七歲盡通釋典淡妝素服色藝絕倫其居曰端
清閣有端清閣詩一卷年二十二卧病求爲尼以了
生死受菩薩戒作偈示眾而卒憲王自爲誌銘

柳枝歌

蘇小門前萬縷垂白家園內兩三枝聽歌看舞人何在惟有

東風展翠眉

送雪

天山一色凍雲垂
罨畫樓臺綴玉時
准備煖金香盒子
明朝送雪與相知

列朝詩集汴中風俗每歲遇初雪則以合子盛雪送與親知以爲喜慶置酒設席相請歡飲亦昇平之樂事宮中尤尙之

秦康王志潔 一首

王隱王尙炳第三子愨王棟之孫太祖曾孫宣德二
年以富平王進封景泰六年薨有默菴集

送凌漢章還茗

東書孤劍別西秦
紅樹青山潑眼新
千里風塵雙短鬢
五湖

卷二

六

煙水一閒身
夢回孤館寒砧急
望入遙空候雁賓
料得紀行多賦詠
雲箋無惜寄陽春

楚憲王季垵 二首

王莊王子太祖曾孫初封武陵王正統五年襲封八
年薨有毓秀軒集

楚紀王務學時敏嘗夢持水晶筆大書自茲文藻煥發詩調高曠題東平圖云東平昔賢王居家惟樂善富貴非所樂忠誠意無倦諠言契宸衷奏疏答天眷永言躡芳蹤千載繼成憲河間圖云我聞河間賢懋學由好古心契義繼與神遊洙泗浦求書留其真道術言有補九原不可作百世吾疇與至今士林多誦之所著有毓秀軒詩維藩清暇錄管延枝爲之序

昭王碑詩

高皇奉天大正四海肅肅昭王維皇之子茫茫江漢爰初賜

履秉德執誠以綏以理溫溫靖恭翼翼小心惟孝顓頊惟忠
湛湛臨下惟和蒞眾惟欽允文允武如玉如金奕奕楚邦寔
奠南紀時敘物豐風厚俗美瑤琨在園帝嘉其賢民受厥祉
慈祀有虔嗚呼祖考陟降在天錫監垂祚裕我後昆

莊王碑詩

懿我楚國王祖肇封爰及王考帝訓是崇仰惟帝訓子孫矩
度保國安民式由皇路啟之承之念茲在茲宜我家國世濟
光熙江漢朝宗藩翰攸峙天監厥衷用錫我類閔予小子嗣
守家邦允懷繼述夙夜匪遑我我昭園莊園在側穹碑有辭
用示無極

潘安王詮鉢

一首

卷二

七

王莊王幼學次子簡王模曾孫太祖玄孫初封靈川
王正德四年薨諡榮毅後以孫憲王胤移進封更諡
安有凝齋稿

送五臺山僧明曉

曉來法席尙餘香雲水悠悠道路長錫杖撥開三晉雪衲衣
披盡五臺霜經傳般若談偏熟禪入維摩語並忘若到深心
三昧地應知無處覓行藏

秦簡王誠詠

四首

王惠王公錫子康王孫太祖來孫自號寶竹道人弘
治元年以鎮安王襲封十一年薨有經進小鳴稿十

四庫總目誠詠詩古體清淺而質樸近體諸婉可誦七絕尤爲擅場如秋夜詩云霽月滿窗明似畫梧桐如雨下空庭又云空庭久坐不成寐明月滿階砧杵聲又山行詩云嘯鳥無聲僧入定半巖風落紫藤花皆風骨戾削往往有晚唐格意爾時館閣之中轉無此清音矣

列朝詩集王年十歲康王妃陳教以小學日記唐詩一章惠王聞吳人湯潛名能詩請爲教授傳聲律之學嗣位口賦一詩積三十年王醇雅有簡押博通羣書布衣蔬食延攬文儒竟日談論不倦護儀子弟得入巽宮自王始也詩曰賓竹小鳴集嘉靖元年王孫定王惟焯表上之詔送史館

田按秦簡王詩色麗音婉不愧日課一詩之目

隴頭吟

萬里奔馳隴頭水日夜鳴鳴亂人耳黃沙白草兩茫茫怕聽水聲愁欲死一從結髮戍涼州鐵甲磨穿已禿頭兒孫養得解胡語不如隴水解東流

卷二

八

春詞

海棠枝上鵲聲乾羅幕重重護曉寒初日半林珠露重脆紅無數壓闌干

題王舜畊畫

翠壁丹厓淡夕曛往來麋鹿自成羣仙家住空青外只隔桃花一片雲

秋夜

秋聲溢耳不堪聽燕坐高齋戶半扃霽月滿窗明似畫梧桐如雨下空庭

肅靖王真澱

四首

王恭王貢鏞之子太祖來孫莊王模玄孫成化中封

世子嘉靖五年薨以子定王弼桃龔王道諡有星海

集

名山藏靖王真於博雅好文善為詩
列朝詩集靖王詩調高古言邊塞事尤感慨有意

塞上

李陵望國臺猶在蔡琰悲笳怨未窮
獵騎遙遙入霜霧鷓鴣泉外夕陽紅

受降城外單于獵温宿營邊漢使過強欲從軍事鞍馬馮唐
已老復如何

遠出漁陽北擊胡將軍談笑挽雕弧
千金底購單于首贖得沙場戰骨無

徐渤筆情肅藩靖王博雅善詩塞上曲遠出漁陽一篇有王龍標之致

卷二

九

春日田家

屋後青山門外溪小橋遙接稻秧畦
人家遠近蒼煙裏桑柘陰陰戴勝嘯

岷靖王彥汰一首

王莊王梗玄孫太祖來孫初封江陵王弘治十三年
龔封嘉靖二十三年薨

贈廖道南

負比神仙翰苑清更無荆棘向人生
覆甌名位稱良史補衮才猷輔聖明
視草繚鸞揮翰集宣麻棠鷓躑花鳴槐
廳風靜聽鈴索一室焚香愜素情

藩憲王詹移

三首

王惠王勛潛之子安王孫簡王來孫太祖舅孫自號
南山道人嘉靖五年封靈川王十年以懷王絕嗣進

封二十年薨有清秋唱和集保和齋詩五卷

謝榛四溟詩話靈王南山素嗜談禪詩亦妙悟和懽
雲上人韻曰幽徑斷行蹤浮圖對遠峯結冰堅碧溜
凝雪老青松雙樹下開講千燈中現容天空兩花偏
門有白雲封使王摩詰見之亦當心服詩韻罕用脛
字胡曾洞庭湖絕句魚龍吹浪水雲腥造句儘佳靈
王夜雨頭聯樹溼鴉羣重雲低龍氣腥格律尤勝若
齊獻王驪仙周憲王誠齋雖皆嗜詩相去懸絕矣
程之珩潞安詩抄前篇南山道人性喜讀書好文士
善音律

聞陵川有警

猖獗山中寇農桑殊可悲黃巾還自敗白馬竟何之烏合枯
林夕魚遊沸鼎時材官幾籌策况有射雕兒

卷二

十一

送趙一卿僉憲之蜀

纔得相逢便欲行維舟論別限嚴程雲山遠隔黃牛峽風雨
深迷白帝城斷石荒臺唐故壘懸崖殘壁漢遺營知君素有
忠良節過此甯無感慨情

次李黃崖寄懷韻

西望關門道路長十年萍梗歎行藏夢中樽酒人如昨天外
鴻聲秋又涼老去客身頻出塞曉來衙吏罷升堂商州更在
千山裏政簡看書懶下牀

德平榮順王盾櫂一首

王藩憲王弟自號南岑道人嘉靖三十七年封萬厯
十年薨有集書樓稿上卷王來孫太師集稿自

四溟詩話南山南岑伯仲齊名

宗人衡府新樂王載璽周府中尉陸樺襄垣府俊熈晉府康衢秦府玉華齊名俊熈著五懷詩述其事

贈別素愚上人

釋子來何處廬山復太行翻經淹歲月補衲犯冰霜浩劫塵

緣盡彌天覺路長智珠原不染好去照殊方

趙康王厚煜二首

王成祖第三子趙簡王高燧之來孫自號枕易道人

正德十六年襲封嘉靖三十九年薨有居敬堂集

田按王文采麗都延接士類藻韻連翩應教量作讀孫太初之集恨不同時奏謝茂秦之歌擁姬出拜至今談者津津豔流口齒斯極朱邸之風流藝林之韻事也

送句吳茂才顧聖少北上

卷二

十一

北去度滹沱春風一騎過入燕投刺少留趙著書多明月頻

呼酒青天獨放歌他時望南國湖上有煙蘿

擬出塞

都護行邊日胡天雪正飛朝傳青海檄暮解白登圍龍虎行

韜略風雲入指揮何當請長組生繫犬戎歸

蜀成王讓栩二首

王昭王賓瀚之子太祖冢孫正德五年襲封嘉靖二

十六年薨有長春競辰稿十六卷

列朝詩集蜀自獻王後四葉皆有文集行世昭王仁厚好儒術孝宗皇帝賜詩以河間禮樂江夏忠勤爲比王好學手不釋卷日觀經史臨法書作詩屬對皆有程要

擬古宮詞

睥睨鴉喧曙色明麗譙隱隱盡鐘聲各宮裝束焚香候只恐

君王道院行

靜志居詩話宮詞雖題擬古然只恐君王道院行疑
諷永陵而作

內池春水鴨頭綠上苑晨花腥血紅蜂蟻叢花鴛戲水一齊
著意向東風

武岡保康王顯槐一首

王楚端王榮滅第三子昭王來孫太祖冑孫嘉靖十

七年封萬厯十八年薨有少鶴山人正續集十六卷

俞憲盛明百家詩少鶴山人雅善文墨尤好詩歌

送杜學諭擢國子先生

江天歲晚雪初晴有客鳴珂上帝京楚士久知宗杜佑胄師

卷二

七

今得見陽城橋門壁水環經席驛路梅花擁去旌誰謂儒官

稀樹立熙朝冢宰頌文清

潘宣王恬炆二首

王憲王次子太祖仍孫自號西屏道人嘉靖二十一

年襲封萬厯十年薨有綠筠軒稿四卷

四溟詩話西屏道人詩辭雅氣暢造詣不凡
名山藏宣王好學工古文辭妙於聲律

蒼意寄懷大司馬郭一泉

在昔論文卽見知幾年良晤信難期停雲北極頰回首落木

西風獨賦詩金鼎鹽梅般相業玉階劍履漢官儀君今選將

清邊徵畫省憂心退食遲

征驂別後幾登樓極目山川憶舊遊晶晶霜華寒已溷冥冥

雲物夕仍留九關甲士圖功日三輔丁男習戰秋聞道天驕
還北遁萬年佳氣繞皇州

百倉鎮康恭裕王恬焯

三首

四王審憲王第五子自號西巖道人嘉靖三十一年封

西巖漫稿

西巖漫稿
四溟詩話鎮康王西巖詩最得盛唐格律題宋參政
瞻遠樓云江流懸樹杪山色到窗中精拔有骨陪國

主調登途中有作云仗劃浮煙破旗衝過鳥翻句法
森嚴何異沈宋

送程太守存齋之任睢陽

八月一日天次寥使君南發馳星輶雙旌何悠悠五馬亦蕭
蕭駢筵出祖擁溪橋邊楊柳垂長條欲言不言各踟躕西
風嫋嫋吹征袍睢陽雄峙梁宋郊兩歧五袴成歌謠公衙寂

卷二

七

寂畫簾捲白日皎皎青天高蹇余久欽道義重與君況是金
蘭交一日不見心已思詎忍咫尺千里遙握手送君還留君
側身南望空鬱陶

寄懷劉紫山侍御回自滇南

桃柳幾度感花開鄉國傳書不易來曾醉離亭牽我夢因思
佐郡識君才滇南風壤三年盡天北星槎萬里迴遙望舊知
秋欲杪月明何處是行臺

四月八日過昭覺禪院同諸宗丈賦得松字

一平佳

石龕幡影閃金容此石曾聞浴九龍心印始歸香象迹法輪
更斷野狐宗風傳鐘磬留空谷天落雲霞拂古松傑閣還登
一西望萬年佳氣暖諸峯

安慶端懿王恬燿 二首

王藩憲王第七子自號西池道人嘉靖三十七年封

萬曆二十二年薨有嘉慶集

四溟詩話安慶王西池詩奇崛有骨善用險韻譬如棧道馳馬無異康衢韓翃秋夜即事星河秋一雁砧杵夜千家西池重九前一夜樹聲喧一枕秋色冷千家此聯與韓出一杼織組自別

潞安詩鈔前編西池道人樂善忘勢海內名人樂與之游立葆真亭八子會每當佳辰招呼宴集彈琴對奕飲酒賦詩
田按西池攬秀閣中秋宴集詩摘辭走天馬吐論集入龍想見賓客之盛

送月泉上人歸南海

閒身無所繫江海信孤帆石上留金偈人間祕玉函天開達摩井雲護普陀巖誰復為禪侶相依松與杉

卷二

古

送程太守存齋之任睢州

秋滿橋梁柳尚垂一樽千里別君時雲霄盛世看騰踏風雨茅堂幾夢思汴水澄清知善政嵩山迢遞入新詩懷人儻有瓊瑤字回首天涯雁正飛

遼庶人憲熾 一首

庶人遼莊王致格子簡王勗孫太祖仍孫初封句容王嘉靖十九年襲封隆慶二年以罪降庶人國除有

味祕草堂集

朱國禎海幢小品遼王國於荊州府嘉靖中庶人憲熾聰明絕世行多縱佚當之以叛劾疏中有觀兵八里山之說傳致其獄過也被執月餘飲酒賦詩了不為意行之日表辭毛太妃血淚淋漓全表皆溼表既上如故也惟語袁太守曰公知吾好文墨多致文房四寶去見者無不哀之

錢希言遼即紀聞世廟時遼邸最盛宮室苑囿驪伎
狗馬之樂甲於諸藩而別館霧流好蒸舞榭歌樓
鋪繡遼於是四方之墨卿賦客博徒酒人黃冠羽服
騷子魚文之流無不鱗集其座上矣世宗宴駕國亦
充之其名有西樓西宮曲室鶯鳴虎圍又竹宮有月榭
紅房花塢藥圃雪溪冰室鶯鳴虎圍又竹宮有月榭
西疇草湖藥珠洞宮人斜諸處餘延包絡參差蔽虧
琪花瑤草異獸文禽靡不畢致王日與諸名士觴詠
其中是時信州宋登春吾吳顧聖少諸君凡數十輩
皆爲王門珠履與故荆守徐宗伯公偕和上元諸曲
徐有西宮隱隱出鸞簫之句傳誦一時然遼王雅工
詩賦尤嗜宮商其自製小詞豔曲雜劇傳奇最稱獨
步有春風十調唾窗絨誤歸期玉闌干金兒弄丸記
皆極婉麗才情尋後安凌鳳陽又編撰賣花聲諸詞
數百闕流傳江表含思淩楚不減南唐後主春意闌
珊至今章華臺前老妓半是流落宮人猶能彈出箏
篋絃上一曲伊州淚萬行也
命世蘊藉今古對客揮毫一併紙卽千數百言立就
一時騷壇之士莫能難今檢學謨海隅集云此序爲

卷二

五

某宗人著蓋禍發後創其名也方禍未發時鷺池生
宋登春爲王門客時永陵好道憲卿以崇事玄教封
爲清微忠教真人登春作宮中行樂詞云小紅亭子
白闌干入道宮娥玉作冠袖出青梅彈鸞瀾銀瓶滿
注蔗漿寒碧殿春深瑤草肥飛玉輦春遊夜未央
不作青鸞夢化作彩雲合鴛鴦殿無限春風到海棠
衣侍史謾焚香黃金鎖合鴛鴦殿無限春風到海棠
琉璃硯水黃金瓶十樣鸞箋寫道經太乙紫壇朝帝
麗蓋珠深殿彩花馨岸柳殘應教江梅楚舞花鈿麗
麗華餘舊臺細雲薰岸柳殘應教江梅楚舞花鈿麗
章華餘舊臺細雲薰岸柳殘應教江梅楚舞花鈿麗
吳歛寶瑟催清尊宜落日作賦子雲才賞雪侍讌
應教云孤白媛蒙茸當歌集上公春藏金屋裏僊隱
玉壺中送酒青樓妓焚香白玉童錦屏寒不入只許
隔簾櫳可謂一時詞客之雄及禍作登春作道小紀
於憲卿無怨詞失詩人忠厚之旨矣

望龍山

桓公展高宴乃在龍山巔大會文武士冠蓋相周旋誰知孟
參軍天質任自然墮帽了不驚請筆詞翩翩鼓風已千載朝

市幾遞遷山前有故邑化作陌與阡我欲矯雙鳥荆棘誰可
攀延伫發長嘔萬壑生寒煙

益莊王厚燧

一首

王端王祐檣子憲宗孫嘉靖二十年襲封三十五年
薨有勿齋集詠史詩

登山

屏迹書巢寂寞間籃輿乘興遠登山山雲挾雨忙飛去不得
逍遙共我閒

潘定王瑄堯

一首

王宣王子太祖雲孫萬厯十二年襲封有修業堂崇

玉山房二稿

卷二

六

潞安詩抄前編王博學贈通詩學晉魏

寒食曉行

輕軒衝曉色迢遞柳溪邊野潤羣山小雲低片雨懸杏花初
熟酒榆火乍浮煙寂歷嘯鶯處傷春似舊年

靖安王新瓌

一首

王晉靖王曾孫太祖雲孫萬厯十年襲封

名山藏靖安王表秩有道氣能詩子恭懿王知婚孫
今王新瓌三世俱能詩

元夜懷易海洲中丞

淡月來深院寒煙接暮天華燈明綺席綠酒醉流年孤影梅
花伴相思春草邊遙知燕市裏酬和白雲篇

穀城王常濫

一首

王吉端王孫簡王來孫英宗昴孫萬曆二十四年襲

封

冬日陳達父對飲

寒色侵池滿簾鈎捲夜長鐘疏三徑月葉散一林霜
茗好詩脾健盧呼酒力强縱談銷絳蠟縹緲坐焚香

卷二

七

酒偷火乍浮... 小雲低片雨... 春... 年...

王吉端王孫簡王來孫英宗昴孫萬曆十年襲封

輒... 蠶... 絲... 坐焚香

溪... 葉... 三... 日... 葉... 一林... 霜... 茗... 好... 詩... 脾... 健... 盧... 呼... 酒... 力... 强... 縱... 談... 銷... 絳... 蠟... 縹... 緲... 坐... 焚... 香

月... 寒... 日... 刺... 蠶... 交... 樓... 燭... 天... 華... 燈... 明... 綺... 席... 綠... 酒... 醉... 流... 年... 孤... 影... 橫

王吉端王孫簡王來孫英宗昴孫萬曆二十四年襲

王吉端王孫簡王來孫英宗昴孫萬曆二十四年襲

明詩紀事卷二下

貴陽陳田輯

甲籤

朱安泚 一首

安泚周定王櫛玄孫

田按史稱將軍安泚素精名理延納詞人聲譽大著與中尉陸桴齊名人稱陸桴為大山安泚為小山安泚詩借不多見

送馮參將赴陝西

仗鉞仍分陝乘時復請纓聲名歸大樹威武重長城電掣蒼龍劍風翻白虎旌塞塵當一掃萬里可橫行

朱陸桴 二首

卷二下

陸桴字灌甫號西亭周定王六世孫封鎮國中尉萬

歷中舉宗正有陝上集二十卷

胡應麟詩數明宗室攻古文詞者嘉隆間惟灌父晟博洽饒著述余髫歲即與交豫章用晦先鳴諸子勃起貞吉宗良與余酬復特久一時競爽名家未易屈指盡也

列朝詩集灌甫被服儒素精經學從河洛間宿儒遊奉手摠衣執經函丈受禮於睢陽許先章分句釋辨析疑義達旦不寐三月而盡其學年二十通五經尤邃於易春秋家故饒貲財僅奴數百人皆逐羸車屑麥執業自給逐十一之利其家益大起訪購圖籍請接賓客傾身遊貴顯間研席用是名聲籍甚萬厯初舉文行卓異為周藩宗正十餘年國中大製作皆出其手修河南通志撰中州人物志中州之文獻徵焉謂本朝經學一稟宋儒古人經解殘闕故失訪求海內通儒繕寫藏弃若李鼎祚易解張洽春秋傳皆序而傳之丁丑領宗學約盛暑寒不輟命諸生刺舉同異撰五經稽疑若干卷授經圖及傳四卷觀陶

九成輟耕錄載前元十九帝統系作大明帝系世表一卷周國世系表一卷感建文革除記錄失實作遜國記哀忠錄五卷考史記以來諡法作較定諡法一卷合沈約吳棫韻舉正誤繆撰韻譜五卷其詩文有坡上集二十卷文尤典雅可誦有明之宗室憲園比肩間平而灌甫姬美子政推江都葛氏章邱李氏滸甫傾賞購之竭四十年之力做唐人四部法用各色牙籤識別凡一萬二千五百六十卷起萬卷堂諷誦其中園點警勘丹鉛歷然其子勤夔號竹居亦嗜書收藏益富余從中牟張民表鈔得其書曰武林卓爾康爲學官於板借鈔得數十鈔未竟而罷汴亡之後坡上之充棟插架者漂蕩於洪流怒濤可勝歎哉

坡上答潘笠江坐水閣寄許念齋

坡開浚野東堂接夷門道聊用安卑棲敢云慕高蹈良辰適在茲褰裳一登眺苔徑何縈紆葭洲亦窈窕嶼雲斷復連林日暖仍曜溪鳥自飛翻沙禽相叫嘯身同北渚吟情豈南窗

卷二下 二

傲酌桂靡與歡擷蘭徒盈抱賴歌郢中篇庶以永所好
五 晚秋過相國寺懷然上人
與君結靜因回首俱陳迹緬懷山中遊歲景條已夕秋飄飄空林澹月來寒石兀坐亦何言含情念疇昔

朱華園 一首

華園字仲叔楚國王孫有梅湖桃谿二集

廖元度楚風補仲叔敦敏好學崇禎癸未三月夢遊異境見石壁有詩告親友曰時危矣去之可也遂隱桃谿易名陶范公別號五湖長

送陳法瞻之留都

將軍奇俠天下聞醉餘指顧生風雲以劍爲書自神絕波掣勁敵千人軍曩歲戰黔獲小醜拂衣里閭羞言勳小鈴蹇衛

候千里然諾真堪托生死故人急難遠相聞犯暑南行爲經
紀壯君意氣爲君歌翁伯于君何足多

朱承綵一首

承綵字國華齊王孫

列朝詩集齊藩宗支散居金陵高帝子孫於今爲庶國華獨以文彩風流厚自標置掉鞅詩壇鼓吹騷雅萬歷甲辰中秋開大社於金陵胥會海內名士張幼于輩分賦授簡百二十人秦淮伎女馬湘蘭以下四十餘人緝文墨理絃歌承平盛事白下人至今豔稱之其詩亦殊清拔天迴孤帆沒江空獨雁寒所謂送別登樓俱堪淚下者也

春暮集巨源弟羣鷗閣

客來情不淺月白樹難藏開閣驚春暮傳杯引興長水清魚
戲藻花落蝶愁香翦燭西窗裏無妨入醉鄉

卷二下

朱觀燭一首

觀燭字中立鉅野僖順王玄孫魯荒王植六世孫封

鎮國中尉有濟美堂稿

宋弼山左明詩鈔中立所選海嶽靈秀集後附二藩詩一卷則其父子作也自序云岱宗東盤溟渤襟塹鉅野茫茫靈光蕩蕩當奎婁危室之奧固宇內靈秀之區三朝以來名家疊出大雅聿振子採成二十餘卷略述人物出處品格優劣今頗有其本簡擇頗精

梅墩

誰將庾嶺梅栽傍草玄宅一夢入羅浮覺來山月白

朱頤媼十三首

頤媼字江亭魯荒王八世孫有市隱堂集六卷

田按江亭詩音節高亮史稱鉅野中尉頤璩聲詩清拔所著有赤霞館集余檢江亭市隱堂集有喜聞赤

霞館得二鶴展九日集赤霞館對雨諸詩蓋同時唱和之作也江亭名不甚著余特廣爲甄錄與世共賞

和村居感遇

一朝脫塵鞅四海任遨遊採藥尋仙去岱宗爲我留西望咸陽宮寂寞成荒邱興亡固有數貧賤何足憂歸來閉柴關編簡細研求埽石卧白雲銜盃歌四休

至後齋居述懷

昔登蘇門山獨發孫生嘯悵恨青霞人披襟可同調落日照林薄迴風吹海嶠相思轉陳迹俛仰憶悲眺

述懷

柴門無客過幽興與誰同竹色凌殘雪梅香度晚風歲時雙

卷二下

四

醉眼天地一衰翁回首浮雲態須臾事事空

春日卧病答蚬窠兄招飲

相如多病日不逐兔園遊人惜耽詩積花鱗負酒甌那堪曲水興尙念野人儔燕子知春社衙泥去玉樓

掩門

物序秋將半西風各掩門人情向黃菊霜色悼芳蓀白日豺

狼鬪清宵鼓角喧時光須自遣對月且開樽

除夕雪中有感答一敬姪

寂寂陵谷變悠悠歲序遷檻梅融臘雪岸柳帶春煙藥餌扶衰病琴樽送老年眼前小兒女時態鬪鮮妍

冬日感懷

嗜酒貧爲病耽詩狂作魔醉來還自舞醒後復長歌天地身
將老風塵鬢欲皤吾生今已矣歲月任蹉跎

杜陵臺餞送林長卿之金陵

臺古春深草木稠驪歌忽動使人愁雲開淮浦三山出江抱
石城二水流別後夢魂依魯甸燈前風雨看吳鉤憐君年少
青雲器正是鵬鵬奮翼秋

迎春詞

越羅新翦製春衣廣袖長紳白練垂怪底誰家遊冶子輕敲
紈扇唱春詞

絕句

茶烹竹葉宜興錦酒泛松花鸚鵡卮醉後園林遊目處陰陰

桑柘雨晴時

卷二下

五

塞下曲 二首

邊烽夜照塞門開漢將秋深打獵回後騎尙屯平樂館前軍
已過李陵臺

煙塵不動紫荊關刁斗無聲士馬閒貂帽錦裘結束好將軍
雪裏射鵬還

海棠軒

北軒軒外春光好點染胭脂半未開醉倚東風似相識挑燈
載酒幾回來

朱憲燮

一首

憲燮字叔和遼簡王植六世孫封鎮國將軍有哀黍

離詩

真人府

叢桂崑幽玉露寒欲探鴻寶憶劉安雲中雞犬無消息歲歲
青苔護石壇

田按真人遼王憲櫛也

朱儼鑿一首

儼鑿字啟宇遼簡王八世孫有句曲山人詩

東灣草堂隱居

明月在天天在水水光天氣涵細縵隔鄰清杵數聲急遠屋
寒蛩一夜喧有時獨坐自垂釣無事杖藜還扣門眼前落葉
聚復散石上看雲安所論

卷二下

六

朱拱樋二首

拱樋字匡南建安簡定王孫宵獻王權五世孫封奉
國將軍有瑞鶴堂集爽臺稟各二卷

寄環浦鄭公

灑淚三年別論心千里同斷鴻聞海澗落木楚天空憂世存
孤議傳經抗古風無緣從杖屨吟嘯武夷中

輓沈潯州禹文

沈約元多病如何事遠遊一麾才欲展萬里瘴先投茂苑猿
空怨蒼梧雲更愁旅魂招未得蕭索不勝秋

朱多燼五首

多燼字宗良瑞昌恭僖王立孫宵獻王六世孫封鎮

國中尉有國香集

王世貞弇州山人續彙朱宗良石蘭館彙氣清調爽神完體舒用事切而雅入字峻而穩運思深而不刻結法道而有餘味

筆精國朝宗藩之詩甯府為盛諸王孫以詩鳴者多姪多嬾其著者也多姪絕句清逸多嬾屬對精工如太室出雲來署裏黃河如帶挂城頭關山曉月趨三輔鴻雁秋霜度九河路經軒后臨戎坂山接高歡避暑宮翻翻爾雅無紉袴習氣

書史會要朱多嬾以辭賦名草書宗孫虔禮筆法茂美

列朝詩集多嬾博雅好修與多燧齊名晚益折節有令譽披垣薦堪宗正者於南昌首舉宗良後病痿不廢吟咏鴻聲亮節信朱郎之雋也田按明藩王之工詩者當以秦簡王誠詠為稱首王孫之工詩者當以瑞昌中尉多嬾為稱首王弇州云每得中尉一番詩輒復一番奇進才情融美格意朗暢朱郎中那復有斯人自非溢美語中尉詩初名石蘭館彙弇州題為國秀又改題國香見弇州國香集

卷二下

贈余無且並寄胡茂承

分藩豫章郡地勝有餘樂爽氣浮雲峰江流帶高郭心賞希良朋毫素獲所托胡生實燕婉十載阻京洛每睹鴻雁賓永歎遠行客余子璠瓊美抗迹戀邱壑載誦招隱篇清風振叢薄

蘇公祠

西蜀藏名士東湖托隱居野雲寒織屨春雨曉栽蔬心為踰垣苦才甯濟世疏悠然江海外不報故人書

滕王閣

覆檻飛甍古閣雄疏簾高棟廠天風彩雲尙想霓旌駐嬌鳥如悲翠瑄空江送波濤來浩渺雨移巖岫入溟濛丹梯更峙

巴山外詞客千秋興未窮

玉隆萬壽宮

西山迢遞隱仙宮誰信人間有路通忽覩樓臺蒼靄外似聞
雞犬白雲中石幢苔滅三天字礪道霜凋百尺楓靈跡祇餘
丹井在清秋吟望意無窮

酬羅敬叔

病裏送君遊白嶽歸來對我惜蒼顏移家只是湖邊好莫問
茱萸第幾灣

朱多烜 八首

多烜字貞吉弋陽僖順王曾孫甯獻王六世孫封奉
國將軍卒後私諡清敏先生有五游勸游諸集

卷二下

八

姚旅露書豫章王孫貞吉負時名慕孫太初亦易姓
名日來相如字不疑浪迹吳越其詩如帆衝山果落
棹惹浪花腥野竹雲千頃田桑雨一犁野澗蘋花積
田家芋菓香蠟屐黍香絮單衣繡雨痕山泉供水樂
秋葉逞春容又七言如林連北郭藏春色水過東家
作雨聲皆興到語

筆精貞吉王孫遜餘千詩云餘干城頭雲泊天琵琶
洲下水如弦推蓬理詠隨州句落日平沙似往年謝
在杭宿弋陽云羣峯迴合俯清溪寂寞荒城古渡西
惟有女墻秋月月在只今猶照夜烏嘯二詩皆用劉隨
州句畧無痕迹

書史會要貞吉詩才警敏行草宗米南宮雜以古字
自成一體
畫史會要多烜精繪事見古人墨蹟一再臨之如出
其手山水得二米家法寫生更妙

田按貞吉王孫詩才清警徐興公稱其絕句固是玄
賞

寄邱二十二謙之

邱郎一官一再左手板三投三不可進退艱如躑躅羊功名

澀似葳蕤瑣憶昔與子初結歡觴詠澣濯章江干別來忽下
閩中命五馬重歌蜀道難閩中君家舊治域父子分符如畫
一耆舊摩挲去後碑少年捃拾毛中蹟縱有詩名天地間那
能相見一開顏我擅秦聲君楚舞醉望城頭千仞山君當彊
仕不得意我尙沈冥未知止與君各自鬪身強四十頭顱已
如此

遊百丈山聞余無旦過豫章闕展待先此奉寄門下
我住浮雲宮君來天子障尋山尋水各逍遙看樹看雲重惆
悵谷口行歌日暮還杖藜何處不青山莫題鳳字朱門外且
聽鸞音半嶺間

春日懷張羽士

卷二下

九

言旋南嶽駕又作劄門行尊酒不爲別河梁空復情一官羈
萬里十口寄孤城日暮春雲起相思處處生

問巍甫姪疾

海上何人說禁方科頭長似嬾嵇康穿林雨暗茶煙綠隔院
風微藥草香轉向病中憐故舊誰從身後定文章閉門不問
春多少靜看飛花墜滿床

士不撥悶

雨暗春城十萬家強搯髻几到棲鴉峭風欲闔遊人屐吹盡
牆頭柰子花

送梁傳之從襄陽將母南還

夫人城外漢江平逐子南迴五兩輕路出鄢郢頻雨雪槎頭

魚賤筍初生

送王姬還芝城

蘼蕪芽碧柳絲黃
來往扁舟就沈郎
一掬宮亭清淺水
淩波不怨洛川長

湖口縣

湖水澄清江水渾
江煙湖靄易黃昏
請看湖口江心月
一片寒光照縣門

朱多燿

多燿字用晦瑞昌榮安王曾孫甯獻王六世孫封奉
國將軍有朱用晦集

田按用晦因南昌余曰德入七子之社王元美作續
五子詩用晦與馮宗良貞吉得交元美自用晦始元

卷二下

美所謂豫章諸王孫賴足下先驅異時風流不減鄴
下也

滕王閣

滕王閣倚楚江干
公子乘春一駐鞍
北去波光浮錦席
西來山色擁雕欄
冥鴻萬里飛雲斷
芳草三洲落照寒
已是大夫工授簡
賦成兼使和人難

朱多燿

多燿字知白甯惠王第四子石城恭靖王奠堵之玄

秋日社集

躡步出郭門涼沙朗朝日
迤邐入叢林
花宮眩丹漆
巍巍豫章臺
萬木四排比
音王從白香山讀
高譙集友于討論及刊述清風

吹素襟古調和瑤瑟會心豈在遠快意亦多術遙睇天際帆

翩翩若風乙

靜志居詩話南昌郭外有龍光寺萬歷乙卯二月豫章詩人結社于斯宗旨王與者雅人知白之外則宜春

王孫謀劉文翰瑞昌王孫謀雅甫石城王孫謀王鬱儀謀圭禹錫瑞昌王孫謀雅甫石城王孫謀王孫謀毅更生謀聖禹卿謀劉繩其詩曰龍光社草

朱謀璋 四首

謀璋字鬱儀石城恭靖王來孫甯獻王七世孫封鎮

國中尉萬歷二十二年管理石城王府事卒私諡貞

靜先生有枳園近稿

鄭仲夔耳新詩有集唐集古余友朱鬱儀諷古十首乃更集諸子鏘鏘之巧妙極自然又謂三月飲龍沙詩且極天縱娛相將傾桂醕蓋歷家謂閏月為天縱也鬱儀博綜多聞著述之富百倍中壘每館閣中遇

卷二下

士

故事隱僻者貽書相問裁答如響著書百有十二種手自繕寫稿至數易易簣前二日猶與諸子說易指示詩文宗尚是夕有星光大如斗墜里中棲鳥皆驚及卒南州人士私諡貞靜先生周亮工書影西蜀楊升庵太史著書至二百餘種豫章朱鬱儀中尉著書至一百二十種當時曾未聞有茂陵之求張天如雖一時名流然無多撰著當時至見之章奏求其遺書人有幸有不幸如此

滕王閣

銀牀冰井久荒蕪豈若君王觀閣殊六月凌歊無暑氣千年
選勝甲名都河山雨過明如畫草樹煙消綠似鋪多少詞人
憑檻意依然汾晉一碑孤

元夕曲 二首

一夜春歸花柳新笙歌五里踏朱塵停車試問來遊女誰似

天河欲渡人

六十餘年白髮生眼中元夕幾回晴江南不是無燈火取盡
脂膏照上京

少年不解昨牢愁月夕花朝結伴遊今日故人零落盡祇留
春色到南州

露書朱鬱儀元夕曲皆以舊題寫新意所以爲佳

朱謀誓 三首

謀誓字康侯更字公退宵獻王七世孫有羔雁淹留

蕪城中車四集

露書南昌王孫多稱詩而康侯拔出康侯刻稿甚多
余愛其送謝在杭分守大理詩南詔分司擁傳踪嚴
城保障建高牙漢兵據險皆屯柵蠻族依巖卽住家
布穀曉曠郵店樹刺桐春發訟庭花君恩懷遠多寬
政公暇吟詩早放衙

卷二下

七

結廬蛟溪躬耕賦詩郊居耕釣之作詞旨婉約有唐
溫許宋陸游之流風

舊宮詞

女牆橫截鍾山麓子城十里空其腹老宮監守西上門日見
宮中春樹綠當年玉座遷北平燕麥多從輦路生太液煙波
空弔影未央鐘鼓不聞聲二百年來萬民樂文武諸司皆卧
閣當年內庫埽梁塵六月重門啟魚鑰市人身替羽材軍偷
見蓬萊五色雲枯沼頽垣容易入千門萬戶杳難分驚看堦
草潛狐兔武英殿接西宮路赤闌楊柳樹長生畫棟芙蓉花
尙吐別有銅駝扉半開入傳高后燕居來五龍蟠結朝真閣
七寶莊嚴禮佛臺寂寂文牕罨蛛網至今海燕巢於上箭口
銜將紫陌泥飛身立在銅仙掌日暮中官點禁兵周廬依舊

閉重城宮樹鴉噉金瓊下年年只放內家行

甲寅春日江村卽事

自喜幽居耳目清閒中歲月與天爭占風網客知魚信較兩
田家驗鵲聲梅潤上絃琴緩柱草香侵局奕開枰沙邊引步
看流水何處昏鐘報曉晴

金陵雜咏

南國金湯據石頭千年人說帝王州驚聞戰士屯朱雀枉殺
將軍怨白鳩風煖香車盈廣陌月明絃管在高樓傷心一派
秦淮水處處垂楊似莫愁

朱謀堯二首

謀堯字魏甫石城王孫有享筭集六卷

卷二下

吉

田按魏甫與從弟佳父詩合刻爲連枝集魏甫詩五
言如一別幾黃葉相看可白頭七言如村頭反照寒
鴉色花裏殘春倦鳥聲匹馬路盤黃葉出大江中
白雲遙山將暝色疏煙接樓射江光返照來秋氣
人雙袂薄雨聲入枕一燈殘滿簪華髮銷塵事一枕
青山檢道書城回沙口藏山寺水落江心吐石灘行
邊錦樹粧秋色夢裏青山薄宦情皆佳句也

六子詩 錄二

烏衣羣謝遊如君固名曹歎鳳本千仞稱驥豈一毛風流不
在茲雪曲誰爲操手持五嶽圖欲將訪盧敖 貞吉宗叔

吾宗有大阮國中稱達賢興至弄柔毫勢若銀鈎連入望鬱
紫氣在聽聞朱絃往往出佳篇何人堪當前 宗良宗叔

朱謀堯四首

謀堯字佳父石城王孫有擊轅稿六卷

田按佳父詩瓣香宋人於陸放翁爲近

春日閒居

門外雙溪引城邊一徑斜春光欺病客山色戀貧家高樹留
殘照東風過落花晝長除鳥語庭院寂無譁

寄答鄔汝翼山人

姓名何處得君知一札經年愧報遲懶去已成中散癖詩來
應作郢人疑各天明月三秋意萬里西風兩鬢絲搖落此時
無以贈白雲江上不堪持

春日閒居

心死如灰不復然閉門踪跡儼遊禪課兒種樹娛衰日與客
看花憶舊年酒熟有時還自酌詩成無意向人傳閒居一任

卷二下

四

春來去又聽鶯聲到耳邊

春日感懷

無復重調綠綺琴關情誰聽白頭吟難乾薄俗千行淚空碎
窮交一寸心倚杖園林鳴鳥變閉門風雨落花深感時對酒
那成醉人老春殘總不禁

朱謀暉二首

謀暉奉國將軍多炆子有集

列朝詩集謀暉效其父變姓名爲來鯤字子魚出遊
三湘吳越間有集行世湯若士爲敘
露書來子魚貞吉王孫長公也喜游好事者選其詩
與孫太初貞吉謂之明宗三逸

白下集沈生子明府席上賦得春草

芳杜奪幽色秦淮客路遙青連邀笛步綠鎖賽工橋柔雨生

三徑殘煙認六朝夢歸南浦裏幾箇別魂銷

疾愈寄友作

深冬惜病顏幾日望春還門外草初出窗中人轉閒餘生聊住郭不死會尋山待到桃花發相期天姥間

朱謀瑋 一首

謀瑋甯國王孫

登滕王閣

帝子杳何處樓臺猶大堤江清二水合日暝眾山低畫棟生蛛網雕甍有燕泥不勝懷古思春色遠萋萋

朱統銓 一首

統銓字夢得中尉謀瑋子崇禎甲戌進士官行人

卷二下

五

黃雲師江西人物志統銓詩淡遠高古稿燬於兵不傳

靜志居詩話明初舊典宗室子不與內外銓除後因御史李日宣等所請援祖訓換授之法言皇族宜通仕籍得旨允行秦王孫子斗詩云爵人本至公立法無頗偏大訓手自訂百度何森然郡王有孫子所司驗才賢換授準任用升轉遵常銓諒哉二柱史抗章排拘攣先帝展科目今皇命試官精桐委勳壑被以朱絲絃蒞驩在外廐策以珊瑚鞭蓋紀其事也辛酉辛酉晉藩慶成溫穆王表瑚之會孫慎其始舉天啟山西鄉試明年壬戌賜同進士出身至崇禎戊辰甯藩瑞昌王孫統銓由進士改庶吉士自後甲戌則蜀藩奉鈔甯藩統銓謀瑋子也丁丑則甯藩統銓統銓統銓庚辰則周藩朝壺在鈔甯藩統銓癸未則代藩鼎鏤廷堦甯藩統銓鏤議汗皆以宗支取甲科

滕王閣留別同社

春風吹雁去南天又促孤縱遠入燕高閣喜從名士飲輕裝仍附賈人船江花伴我程千里雲樹添君賦幾篇只有詩情

元不隔相思能到彩毫邊

朱統鉸 一首

統鉸甯國王孫

晤茶山寺僧

因緣初地三生石問訊名山四品泉
僧借茶經高說法客依蓮社近
逃禪清空翠滴銀床滿爽氣苔
涵紫筍鮮塵界黎元消渴甚願
將甘露灑無邊

朱統嶮 一首

統嶮甯國王孫

過東林訪三昧法師

偶來看瀑布隨意過東林
問法蓮花白安禪竹葉深
泉流千

卷二下

六

壑響雲定一潭陰
嘯詠清溪上
翛然淨俗襟

朱容重 一首

容重字子莊甯獻王九世孫
封奉國中尉有初吟草

張庚畫徵錄子莊隱居南昌蓼洲善蘭竹小品

輓徐巨源先輩

亂後誅茅構草亭
山中閒散久窮經
文章自我開生面
寰海推君作典型
夜雨暗淒高士宅
寒雲低掩少微星
清尊無復黃花約
極目何堪涕泗零

朱堦梢 三首

堦梢字遜軒陵川王孫有集

七哀詩 有引

錄二

萬曆三年甲戌冬宣大修邊三晉受役民兵四千餘人而死是役者千五百有奇乃爲夫婦之詞凡七章命曰七哀取古題以記今事董斯役者可聞而念之也

長城萬里連雲開去年曾築今已頽黃沙滿眼更何處驅逐遠過單于臺前負土囊後騎催腹空肉破誰能來嗚呼父母不我哀

朔風倒吹天雨雪杵聲橐橐何時歇別時相約秋早歸豈料無衣骨將折人生有命向誰說河水濺濺爲嗚咽嗚呼南望心腸絕

擬閩仙絕句

卷二下

七

雜樹已秋風空山又斜景杖策不逢人獨行潭底影

四溟詩話遜軒子曰凡作詩貴識鋒犯而最忌偏執偏執不惟有焦勞之思且失詩人優柔之旨如賈島獨行潭底影其詞意閑雅必偶然得之而難以句匹當入五言古體或入仄韻絕句方見作手而島積思三年局於聲律卒以數息樹邊身爲對不知反爲前句之累因勉成一絕云遜軒博學嗜詩志在古雅且得論詩之法擬閩仙一絕不下唐調其頓悟也如此

朱眉杌一首

脣杌字敬軒清源莊簡王曾孫有重瞳老人詩十二

卷

四溟詩話敬軒詩冲澹自然

次栗太行枉顧韻

城隅葺小軒車馬不聞喧邱壑元規興蓬蒿仲蔚園君詩清

清江覆垂柳日暮大堤頭堤上繁華子春風極冶遊解珠邀
漢女戲馬入青樓誰見煙波晚偏令估客愁

春日行

四運紛鱗次寒暑亦相循元冬聿云暮忽焉代青春青春始
入東郊裏一日芳菲幾千里已看幽谷出鳴鶯復見芳園映
桃李桃李葳蕤滿故枝垂楊旖旎拂金隄南橋公子乘春興
南浦行人恨別離南浦南橋望何極士女春遊遊不息香車
七寶度春風駿馬千金踏春色春色感人深春風蕩客心春
日行將暮春愁不可禁若有人兮婉清揚弄白日兮臨綺窗
感標梅之欲盡悵佳期之不常託春心於芳草結春思乎垂
楊阜有蘭兮隰有杜懷佳人兮心獨苦惜嫵婉之莫同悲年

卷二下

九

華之將暮恐鷓鴣之先鳴芳意萎兮靡願與君願作雙飛鸞
比翼逍遙乎天路

日 擣衣曲

空階秋色慘寒逼授衣時搗練勞清夜調砧動遠思力隨斜
月盡聲逐晚風悲七月邊城雪閨中寄已遲

賦得葛巾

生平甘恬素奇服從燕私製巾翦絺綌酒還著之晚沐挂
薜荔曉出窺清池優游泉石上珥貂徒爾爲

朱瑛增一首

步虛詞
瑛增字純甫沁水莊和王孫封輔國將軍有玉田集

馭鶴辭三鳥凌颿入九天衣輕披翠羽劍古佩龍泉紫氣呈
金錄丹霞綸玉篇遨遊過帝闕容與木公前

朱琨坑 一首

琨坑號玉溪沁水莊和王孫封輔國將軍

賦得採桑秦氏女

青陽屬蠶候采采及柔柔秦女新粧出光輝動陌頭葉低嬌
漫摘樹隔語還羞自有金貂壻空勞五馬留

朱琨坑 一首

琨坑號龍洲沁水王孫封奉國將軍

送傅逸人遊關中

山人不可留歸路思悠悠仙掌丹霞出函關紫氣浮
猿嘯秦

卷二下

樹晚雁度隴雲秋華嶽如堪隱吾將從爾遊

朱效鏃 一首

效鏃字仲凝琨圻子封奉國將軍有匪莪元攬齋盤

秀山房等集

杪秋交光禪師程心蟾逸人見過東園

開士投蓮社幽人就竹關茶煙凝晚樹木葉下寒山定水禪
心淨歸雲客思閒清言塵境外何幸日追攀

朱碩爨 四首

碩爨字孔炎唐定王檀六世孫封鎮國中尉有巨勝

園集

兪州山人續稿孔炎詩調和致清高處可步武摩詰
下亦不失錢劉

田按孔炎博雅好收藏書畫鼎彝羅列座右嘗出所
藏唐人理帛圖東坡山谷像與王元美品題鑒別精
審不愧摩天王文孫詩亦才藻翩翩在甯國王孫宗
良之女

過族祖姑壽陽君主墓

高阜城西墓荒涼卧石麟青山猶似黛金粉自成塵花落梅
粧在鶯囀竹淚新向來蕭館月不照夜臺人

寄歐楨伯水曹

聞醉金陵酒高歌李白樓書來牛渚夕賦罷鳳臺秋徑竹栽
青簡江花照綺裘從來何水部頭白尙風流

山中送龔美

龍伯祠前白日斜山中七日飯胡麻送君最愛春潭水流出
東風玉礪花

卷二下

金谷園

花落樓空委翠塵千秋明月恨長新西風原上羣芳歇獨有
芙蓉似美人

朱器封

二首

器封字子厚碩爰子封輔國中尉有巢園集

弇州山人續稿子厚王孫天質穎秀神明煥發雖生
王家而早探竹素不染受樂故所擬朗朗有郁乃爾
王世懋奉常集子厚樂府諸解莽蒼蒼絕無今人
一語五七言律用事與博間有未融

均州樂

臨江賈人黃篋船漣漣青油篙刺天下船上岸買魚酒二八
當爐誇數錢煙縈羅幌春將晚白日銜山不思返珠簾紅袖
影傞俄樓上明粧樓下波沙棠樹上嬌春鳥月出平江齊唱

歌

寄田子藝

芙蓉搖落寄何遲
遠道猶涵玉露滋
山遠穆陵秋矗矗
月明澗水夜離離
繡經臺畔一燈寂
搥鼓樓前雙棹悲
無奈西風吹病骨
因君將賦五游詩

朱常法一首

常法字幼良益端王四世孫

田按益藩王孫常澗有防露館稿如三春過大半半在雨中過落葉如秋雨聽來不耐愁姚園客稱其酸楚有致附見於此

山行

山谷風多花亂飛
花帶露溼人衣
晨炊茅店煙光動
散作

卷二下

三

浮雲入翠微

朱慈愨一首

慈愨字火西衡恭王六世孫崇禎壬午舉人

山左明詩抄火西饒學問善詩歌闖寇陷青州變姓名南遊造次必持一觚因自號大觚道人

邱使君招同遊焦山

枯木堂中宿重過
不計年烏嘯京口樹
月冷海門船雲馭
通三島潮音應四禪
如何終碌碌尋勝轉無緣

